

**THESES DE
LITERARUM
OBLIGATIONE VETERI &
NOUA. QUAS ...
PRAESIDE ... PAULO...**

Georg Graseck, Marcus Conrad Derrer



THE

NEW YORK

LIBRARY

OF THE

NEW YORK

LIBRARY

OF THE

NEW YORK

LIBRARY

OF THE

NEW YORK

LIBRARY

DE LITERARVM OBLI- gatione, veteri & noua.

Thesis 1.



TERTIA species obligationum ex contractu descend-
entium, est obligatio literarum.

II.

Est autem obligatio literarum contractus, quo
quis per scripturam astringitur necessitate alicuius rei soluendae.

III.

Fuit alia obligatio literarum apud veteres: alia hodiè est
in usu.

IV.

Vetus illa nominibus fieri dicebatur. *Instit. de liter. oblig.*
in. princ.

V.

Nam olim si quis exemptione, locatione, societate, vel alio
quodam contractu alicui quid debebat, ut solennior esset & fir-
mior contractus, curabat super eo scripturam fieri in foro apud
argentarios, adhibitis quinq; testibus & signatoribus. *Theophil.*
ad tit. Instit. de liter. oblig.

VI.

Eius scriptura ea vis erat, ut per eam prior obligatio, puta ex
emptione, locatione, societate, &c. nouaretur, & in nomen siue
literarum obligationem transfunderetur.

VII.

Atq; inde debitor non amplius ex priore, id est emp'i, locat'i,
societatis &c. sed posteriore id est scriptura obligatione, tene-
batur. *Cic. lib. 3. offic. ubi in Cannio exemplum profert:*

VIII.

Sed hæc nominum obligatio in desuetudinem abiit, & nouo

in re in usum venit alia obligatio litterarum, qua contrahitur
chirographo. *Instit. de liter. oblig. in princ.*

IX.

Definiri haec potest contractus per scripturam initus, qua quis
spe futura numerationis alteri cauet, se eam quantitatē ab
eo mutuū vel in dotem accepisse, quam tamen non accepit.
Instit. d. t.

X.

Causa efficiens huius contractus duplex est: Remota & pro-
pinqua.

XI.

Remota est ius civile. secundum gl. in l. ex hoc iur. D. de
instr. & iur.

XII.

Propinqua est debitor spe numerationis futura cautionem vel
chirographum scribens.

XIII.

Possunt autem literis contrahere omnes qui obligari alijs &
alios sibi obligare possunt ex causa mutui vel dotis.

XIV.

Nam materia huius contractus sunt res qua mutuū vel in
dotem dari possunt.

XV.

Ad formam huius contractus requirimus: primum, ut debi-
tor fateatur in scriptis se recepisse, absq. literis enim nō perficitur.

XVI.

Deinde, ut caueat ex causa mutui vel dotis. l. aduersus. s. l. in
contractibus. 14. in fin. C. de non num. pec. nam si nulla causa
scriptura inserta sit, debitor non obligatur.

XVII.

Tum ut pecunia numerata non sit. *Instit. d. t. de liter. oblig.*
N. h. i.

XVIII.

Nihil autem refert, siue cautio manu ipsius debitoris, siue alterius, veluti Notarij, modo ipsius debitoris voluntate, sit confecta. nam quod quis per alium facit, ipse facere videtur.

XIX.

Finis huius contractus est, ne rerum creditarum fides & securitas (qua teste Cicerone lib. 2. offit. nihil potest in Rep. magis esse necessarium) diu sit in incerto. argumento eius quod dicitur in pr. Instit. de Vsucap.

XX.

Effectus consistit in actione, qua ex literarum obligatione oritur.

XXI.

Sed qua actio detur, dubitatur. Et quidem si stipulatio contractui accesserit, actionem ex stipulatu: alias vero actionem chirographariam dari asserimus, qua & conditio potest appellari, verum non ex mutuo, sed ex literis.

XXII.

Datur hac actio creditori aduersus eum qui chirographum scripsit.

XXIII.

Sed cum pecunia reuera numerata non sit, idcirco debitori aduersus creditorem prospectum est exceptio non numerata pecunia, qua actionem creditoris elidit. Instit. de liter. oblig. tot. tit. C. de non num. pec.

XXIV.

Competit hac exceptio non in perpetuum, sed in causa quidem mutui intra biennium continuum à scripto chirographo. In contractibus. 14. C. d. t. Instit. de liter. oblig. In causa vero dotis intra annum continuum à morte mariti, vel mulieris vel missione repudij. l. fin. C. de dot. caut. non num. nouel. 100. de temp. non num. dot.

XXV.

Ne verò debitor per creditorē fraudulenter actionē suam differētem, donec tempus legitimū lapsū sit, hac exceptione priuetur: duobus alijs remedijs ei prospectum est.

XXVI.

Primum est conditio chirographaria, qua potest suū chirographum repetere. l. si quasi. 7. C. de non num. pec. l. cum & solus. a. 3. C. de condit. indeb.

XXVII.

Alterum est querela & contestatio de pecunia non numerata. d. l. in contrahibus. §. in omni.

XXVIII.

Et si quidem præsens est creditor, contestatione scripta & creditori missa, debitor de pecunia non numerata potest proscitari. d. l. in contrahibus. §. in omni.

XXIX.

Si absens vel difficilis conuentu, ut si in magistratu est, vel magna potentia, denunciatio & contestatio debet fieri apud iudicem ordinarium, vel apud defensorem civitatis, vel apud Episcopum. d. l. in contrahibus. §. pen. & ult. l. si præsens 18. C. de Episcop. aud.

XXX.

Qua contestatio & querela hanc exceptionem debitori perpetuam efficit. l. si intra. 8. C. de non num. pec.

XXXI.

Quod si debitor hac exceptione & hisce remedijs intra constituta tempora non utatur, postea solvere cogitur. d. l. si intra.

XXXII.

Nisi hanc exceptionem cum onere probandi opponere cupit. nam & tunc audiendum, etiam post legitimū tempus, nec res movendum cum esse censemus. argum. l. 10. C. de non num. pec.

XXXIII.

Quamvis autem scriptura regulariter contra scribentem probet. l. Publia 26. in fin. D. de pos. Tamen

XXXIV.

Tamen in hoc contractu specialiter introducendum est, ut creditor intra biennium ex chirographo agens, alijs insuper probationibus confirmare teneatur, se reuera pecuniam debitori numerasse. l. 3. & l. adfueratio. 10. C. de non num. pec.

XX XV.

Adèd ut nisi hoc faciat, reus absoluitur. d. l. 3.

XXXVI.

Competit praterea hac exceptio non tantum debitori, sed eius etiam heredi, modò legitimum tempus non sit lapsum. d. l. si intra 8. C. d. t.

XXXVII,

Datur etiam non tantum principali debitori, sed eius etiam mandatori & fideiussori. l. pen. C. d. t.

XXXVIII.

Ita tamen ut uno ex his exceptionem opponente, & in iudicio victo, alteri aut etiam reo nullum praiudicium ex ea generetur, sed possint illi postea si conueniantur intra statuta tempora, eadem se exceptione tueri, d. l. pen. C. d. t.

XXXIX.

Datur quoq. creditori solutum debitum in scripto quod apochadicitur, fatenti; sed tantum intra triginta dies. d. l. in contradiibus. §. super ceteris. C. d. t.

F I N I S.



1871
The following is a list of the names of the persons who have been elected to the office of Justice of the Peace for the year 1871.

Justices of the Peace for the year 1871.

1. John A. Smith, Esq.
2. James B. Jones, Esq.

Justices of the Peace for the year 1871.

1. John A. Smith, Esq.
2. James B. Jones, Esq.

3. William C. Brown, Esq.
4. Charles D. Green, Esq.

5. Edward F. White, Esq.
6. George H. Black, Esq.

Justices of the Peace for the year 1871.

120
2
DISSERTATIO SOLENNIS
JURIDICA,
De
LITERARUM
DOCUMENTIS,

Vulgò :

Don

Brieflichen Urkunden/

Quam

Præsidente Sacro-Sancta Triade

Ex

Autoritate & Decreto

MAGNIFICI, NOBILISSIMI & AMPLIS-
SIMI FECTORUM IN ILLUSTRIS GIESSÆ
UNIVERSITATE ORDINIS

Pro


Summis in utroque jure Honoribus, In-
signibus ac Privilegiis Doctoralibus rite ac
legitimè consequendis,

Publicæ ac Solenni Nobiliss. Dn. Profess. censura
ac Examini submittit

CAROLUS SAMUEL Henning/
Rudolphopoli - Schwartzburgicus.

Ad diem Decemb.

Loco Horisque consuetis.



GIESSÆ, Literis Utzianis & Kargerianis, Anno 1689.



LETTER ARUM
DOCUMENTIS

ESTABLISHED
IN THE YEAR 1790



PRINTED BY J. B. B. B. B.



I. N. D. N. J. C.

Præfamen.



Iustum ferè judicium dependere ex Probationibus, ipsamque Processus litigiosi animam esse Probationem, *ceu loquitur Dambud. in Prax. civ. cap. 157. num. 1. neminem ex causarum Patronis reperiri arbitror*, qui id contra tritissimum Pragmaticorum Brocardicum istud: *Qui bene probat, bene impetrat, & habet*; inficias ire velit. Quam plurimos enim hodiè, etiam justissimam causam foventes, indignissimè succumbere in judiciis videmus, non aliam sâne ob causam, quàm ob penuriam ac inopiam probationum, quibus deficientibus, *asserente Paciano lib. 1. cap. 5. num. 5. de Prob. & ipsa dilabi videretur causæ substantia, nec quicquam nobis jura sunt profutura, juxta vulgatum illud: L. 30. de Testam. tutel. & L. 77. de contrab. emt.* AMICE, JUS TIBI NON DEFICIT, SED PROBATIO: Expediti siquidem juxta ac indubitati juris est, Actore firmis ac validis intentionem suam non probante fundamentis, Reum absolvi. §. 4. *I. de Interdict.* L. 4. *C. de Edendo.* L. 2. *& 23. C. de Prob.* L. 9. *C. de O. & A. L. 25. ff. de jur. fisci.* Probationum autem præcipua probandi genera in jure per *L. ult. C. de Prob.* commemorantur potissimum tria, quorum unicuique sua stat firma atque inconcussa fides, ut quis intentionem suam satis probatam reddere queat, videlicet vel (1) per Idoneos Testes; vel (2) per apertissima docu-

menta ; vel (3) per indubitata indicia. Quia tamen nemini unquam tam felix contingit memoria, ut omnium usquequaque perfectè reminisci queat. *argum. L. 44. de acq. vel amitt. poss. quippe id Divinitatis potius, quàm humanitatis esse dicitur L. 2. §. 1. C. de I. V. E.* nec testium quoque, qui defectum hunc aliquatenus supplere videntur, ob communem mortalitatis conditionem semper copiam habere possumus, *c. 47. x. de Test. & attest.* Idcirco præ cæteris jam enumeratis probationum speciebus, hanc de Literarum documentis *f. ut alii vocant, Documentis Literariis*, utpote quæ diuturnitate sua omnis generis probationes superant, & in exercendis litibus non solum eandem cum Testibus vim atque auctoritatem habere, *L. 15. C. de fid. instrum.* sed quandoque etiam majorem iis obtinere dicuntur, *L. 10. ff. de Probat. & presumpt.* Ita ut vel inde Eadem non immeritò Fulcimentum memoriæ, Subsidium immortalitatis, Beneficiumque Divinum appellari queant ; Materiam sanè in Foro ac Tribunali utilissimam & pernecessariam, hic in præsentiarum more Academico pro impetrandâ summus in jure assumendi Honores Doctores Licentiâ, quantum per temporis angustias & ingenii mediocritatem licuit, conscribendam, & conscriptam publico ac solenni Nobiliss. Dnn. Professor. Examini subjiciendam selegi ; Pauli J. *ti in L. 25. de Liberat. legat.* & Divi Imperatoris Leonis *in Novell. 46.* nec non Illustris ac Magnifici DN. Cancellarii TABORIS, Mæcenatis ac Promotoris mei Maximi, summo pietatis ac observantiæ cultu æviternum devenerandi *in Præloq. Tr. de confrontat.* consilium secutus. Quotidiana, & quæ usum in humanâ vita habent, plenius ac dilucidius attingenda & xpolienda monentium ; in quæ inquerere magis quo-

quoque juvat, quàm abstrusarum subtilitatum splio-
sam subire indaginem. Ne autem plus iustò temera-
rius extra metas vagari videar, sine longioribus verbo-
rum ambagibus in Nomine Domini nostri Jesu Christi,
qui etiam res penitus desperatas donare & consummare
virtutis suæ magnitudine pollet *L. 1. §. 1. C. C. de P. I. E.*
Dissertationem hanc *Inauguralem*, ad Exemplum Me-
thodi Wesembecianæ, jam auspicabimur. Sit ergo

Positio I.

ET principio quidem cum juri operam daturò, un-
de nomen alicujus rei deducatur, nosse *juxta L. 1. de*
I. & I. minimè disconveniat, quandoquidem per defi-
nitionem Nominis ut plurimum rerum quidditates,
qualitates ac accidentia alia dignoscuntur, Nomina
enim sunt & dicuntur q̄s. Instrumenta ac notæ, quibus
res significantur, *ut ait Plato in Cratylò, confer. §. 29. I. de*
Legat. §. 3. I. de donat. & L. 7. §. ult. de suppellect. legat. ut-
pote à quarum usu magis sic deinceps in ipsius rei per-
ceptionem provehì solemus; Idcirco nec nobis vitio
verti confidimus, si juxta Sapientum monita, & JCrī
Ulpiani exemplum *in L. 9. v. Certè. de tritic. vino vel oleo*
legat. Terminorum explanationem expositioni ipsius
præmiserimus.

11. Statim autem in frontispicio discursus hujus
nostri juridici offert sese nobis vocabulum *Literarum*:
Quæ hic loci non accipiuntur (1) pro nudò elementor-
um ductu ac picturâ, (vor die bloßen Züge der Buch-
staben) veluti olim apud Latinos *Teste Cicero pro Mi-*
lone, lit. A salutaris erat, atque absolutionem designa-
bat, C verò litera tristic, & condemnationem præfi-
gurabat, haud secus ac Græcis per nigrum Θ, ο θάνατος
h. e. Mors indigitabatur. Nec (2) pro ingenuis ac

Humanioribus studiis, quâ in tali significatione *Literæ* apud jam citat. *Ciceronem* in scriptis suis passim accipiuntur; Sed (3) in generaliore suo significato pro ipsis scriptis, (seu scriptorum sensu ac tenore, ita ut res ipsa & effectus magis considerentur, quàm nuda verba *L. 56. pr. Mandat. l. 9. C. quæ res pignori oblig. poss.*) iisq; tam publicis, quàm privatis. *pr. l. de E. V.* quibus nempe causa vel negotium instruitur, ad fidem conciliandam; non quòd literarum consignatione res gerantur, sed in hanc rei gestæ testimonium conferatur, *per L. 4. ff. de fid. instrum.* Et quancquam aliquando, nomine *Literarum* strictius ac pressius sumptò, sola Scriptura privata venire soleat, & sic Publicæ opponatur, *L. 1. C. de juram. propter calumn. dando, ubi vocula instrumenti publicam, nomine verò literarum, privatam notari scripturam Dd. volunt*: Interim tamen negari nequit, absolutè ac generaliter, sine aliqua alia adjectione, *Literæ* si ponantur, omnes tam publicas, quam privatas contineri scripturas. Quapropter etiam præ vocula: *Tabellarum*: (quas ligneas olim & cerâ illitas fuisse, in quibus Veteres pacta sua scribere ac referre consuevère, antiquitas prodidit) licet & hæc accommodari potuisset, cum & tabulæ vocantur instrumenta, *attestante Menochio lib. 1. de præsumpt. propter L. 31. §. 1. & L. 32. de furt.* Verùm quia (1) Hæ jam in desuetudinem abierunt, *ceu refert Donell. in cap. 1. de fid. instrum.* Et (2) propriè ac strictè loquendo ad instrumenta saltem publica spectârunt; vocabulum: *Literarum*: in inscriptione hujus discursus hic usurpare malui.

III. Succedit vox: *Documenti*: quod deducitur à præterito, docui, verbi doceo, sicut à præterito monui, monumentum, nocui, nocumentum &c. & denotat id, quod nos docet, seu potius, ex quo docemur, quò
in

in sensu dictio hæc apud elegantioris literaturæ Scriptores Romanos passim reperire licet. Quod nomen licet separatim, *in ac per se* nimis quoque generale sit, omnesque sub se comprehendat probationum species, adjectione tamen particulæ: *Literarum*: satis temperari ac restringi generalitas ista videtur, ita ut duabus hisce voculis vix ulla magis propria ac congrua huic materiæ nominatio adinveniri possit; quæ non vel generalis, vel nec specialis sit nimium. *Instrumenti* enim vocabulum, (ab instruendo, verbi, instruere deductum,) quod concernit, cum non unum idemque significet, prout ex diversis istis tit. ff. de fid. instrum. & de instruct. & instrum. legato, abunde apparet, ipse Ictus Ulpianus in L. 99. §. fin. de V. S. valdè istius significandi ambiguitate conqueritur, quod nempe per quam difficile sit, dignoscere ac discernere h. e. per certam regulam juris definire, quæ illius appellatione propriè veniat ac contineatur. Et liquet, istud accipi vel *vulgariter*: vel *juridicè*. VULGARITER, & quidem propriè h. e. innativa sua significatione, pro omni apparatu, quo res aliqua corporalis ad meliorem usum nobis præstandum instruitur, argum. L. 12. §. 15. & t. t. instruct. & instrum. legat. Ita ut hæc ratione complectatur instrumenta tam Mechanicorum, quæ pro varietate & conditione artificiorum variant; (aliud siquidem est Pistoris L. 17. pr. aliud Piscatoris §. 1. aliud Balneatoris §. fin. aliud Lanionis L. 18. pr. ff. d. t.) quam fundorum, quæ rursus sunt vel inanimata, ut sunt: aratrum, vehiculum, ligones, sarculi, bidentes & similia; vel animata, ut: boves domiti, & pecora stercoreandi causâ parata &c. L. 8. §. 1. Sicuti & mulieres corpore quæstum facientes, instrumenta cauponia appellantur in L. 43. §. 9. ff. de Rit. Nupt. Metaphoricè autem transfertur quoque ad res in-

incorporales ; cum v.g. inferiores disciplinæ , sine quarum adjumento ad superiorum cognitionem commodè pertingere nequimus , instrumenta quasi quædam graviorum illarum venditantur , *Vid. Donell. Com. jur. civ. l. 25. cap. 1. & Hillig. in Enucl. ib. cap. 7. lit. b. JURIDICE* accipitur iterum vel *latè* ; vel *strictè* ; *Latè* vicissim , vel *Generalissimè* pro omni eo , quod quâcunq; ratione causam & religionem judicantis instruere potest per *L. 1. ff. de fid. instrum.* ubi non solum testimonia h. e. scripturæ & tabulæ continentestestimonium & fidem ; sed & personæ testium instrumenti nomine venire dicuntur. Id quod verum putamus , quoties scil. nihil refragatur sic accipi. *arg. L. 3. §. 3. & seq. de Testib.* Vel *Generaliter* , pro tabulis saltem *scriptura* , hujusque , tam *publica* , quàm *privata* , quæ ad instruendam causam pertinent , ita ut hâc in acceptione à Testibus contra distinguantur , *argum. diversor. titul. in ff. C. & Nov. de jur. can. de Testib. & de fid. instrum.* Et hæc acceptio aliàs h. l. propria est. *Strictè* autem , ac *Propriissimè* , ut ita loquar , pro solis literis publicis , plenam fidem facientibus , oppositivè ad privatas , quæ non nisi præsumtionem quandam inducunt *l. 1. C. de juram. propt. calum. dand. l. 11. C. Quipot. in pign. hab. l. 11. §. ult. ff. de interrog. Act. & Clem. 1. de Procurator.* Imò quandoque pro solis Instrumentis. Notariorum , *docente Menochio l. 1. de præsumpt. qv. 1. num. 9.*

IV. Ad evitandas itaq; has ambiguitates , & differentiã constituendã inter probationem , quæ fit per testes vivâ voce , quæ vulgò ein *Lebendiger* ; & quæ fit per scripturas , quæ vulgò ein *Schriftlicher Beweis* appellatur , *Docente Nobiliss. Dn. Vultejo lib. 3. cap. 7. n. 24. de judic.* potius hic nobis cum Consultiss. Dn. Rutg. Rulanto *part. 2. lib. 5. cap. 1. de Commissar. & commiss.* collubuit præsentem hunc

hunc juridicum discursum de *Literarum*, vel si mavis, de *Literariis Documentis*, (vulgò von *Briefflichen Ubrundten* /) inscribere; tum quia denominatio hæc & communi hodierno loquendi usui, quia quandoque & propriæ significationi præterendus *argum. L. 52. §. 4. de Legat. 3.* & supremis Imperii Curiis, quæ Viennæ & Spiræ sunt, usitata ac confirmata est, *Teste prelaud. Rulant. d. cap. 1. num. 2.* Imò nec ipsis olim Imperatoribus atque Pontificibus penitus incognita, *l. ult. C. de probat. l. 29. C. de donat. & Novel. 8. cap. 8. pr. Novell. 49. cap. 2. pr. & §. 1. & Novell. 73. cap. 7. §. 1. & can. 33. can. 12. quest. 2. & alibi passim.* Tum quia illa omnes omnino species sub se complectitur scripturarum, quæ docent, vel instruunt causam. Nec id novum, ut ad intimiùs declarandam rei naturam, omnisque, ut diximus, difficultatis causâ, alia nomina adjiciantur, *ceu refert Mynsing. ad Rubr. de fid. instr. n. 9.*

V. In ipso autem hoc præparatoriorum quasi limine elegans ab Interpp. movetur controversia: Num Instrumenti appellatione in statutis, etiam veniant testes, adeoque pœna statuto imposita producendi falsum instrumentum, locum quoque habeat in producente falsum testem? Nos communiter cum Dd., quos & secuti sunt Wesemb. in parat. b. t. num. 1. Treutler. vol. 2. disp. 5. tb. 1. lit. B. Urñius disp. 17. ad process. jud. tb. 1. num. 1. Myns. ad rubr. num. 8. x. de fid. instr. & 1. obs. 5. num. 1. Negativam hujus, tanquam receptiorem, probabiliorem putamus. (1) Quoniam acceptio hæc instrumentorum, quorum appellatione etiam testes veniunt, videtur nimis impropria, solâque fictione juris sustineri, asseverat Mascard. qv. 6. num. 115. de probat. Jam verò à proprietate sermonis in dispositione Statutorum non facili recedendum pronunciant Dd. ad L. 7. §. 2. de supell. leg. L. 25.

§. 1. & L. 69. de legat. 3. Quos sequitur & Gail. 2. observ. 80. num. 2. & Hahn. ad Wesenb. par. h. t. (2) Quòd regulariter verba statutorum à jure communi deviantium, cum sint stricti juris, docente Magnifico Dn. Cancellario in Thes. Locor. comm. lib. 17. cap. 49. num. 4. ideoque proprie ac strictè accipi debeant, h. e. simpliciter & ad litteram. argum. L. 12. §. 1. in fin. ff. qui & à quibus manumissi liberi non sunt. jung. pract. Gail. 2. observ. 33. Et hoc (3) propter communem loquendi usum; juxta quem sanè aliam probationem esse per testes, & aliam per instrumenta, satis ipsa experientiâ edocemur. In usu enim forensi illorum probatio enunciat vulgò ein Lebendiger: Horum verò ein Schriftlicher Beweis / oder klare Brieffe und Siegel. Nec obstat quòd probandi facultas non sit coangustanda, sed potius amplianda. L. 21. in fin. C. de Hæretic. & Manich. & L. 19. de lib. & posthum. junct. L. 64. §. 1. de Condit. & demonstrat. Loquuntur enim hi text. in genere de probatione ac interpretatione; Statutum autem de certo modo probandi, nempe per instrumenta, ubi non est eadem ratio; Occasimè enim, & incontinenti probatio per instrumenta fieri solet; at per testes, non nisi aliquo tractu temporis interveniente, unde probata quoque per instrumenta subindè pro liquidis habentur, locumque faciunt executioni. Vid Churfürstl. Sächsische Landes-Ordnung / Sub tit. Versetzte Brieff und Siegel: Ibi: Es soll wieder ihn / Inhalts gegebener Brieff und Siegel / schleunig verholffen / und keine andere exception. oder Ausflucht darwider zugelassen werden / dann wo er be- weisen wolte / daß seinem Brieff und Siegel zuvor allbe- reit genug geschehen &c. Cui consentit etiam Const. rut. Ducat. Brunsv. & Luneb. de anno 1617. zu Calenberg. D. Friderici Ulrici, ibi: Wird auf klare Biefe und Siegel
exe.

executive verfahren / und keine andere exceptio, als
 solutionis, darwider nicht zugelassen ic. Fallit tamen,
 tibi totius statuti ratio & idenditas aliud suadet; vel in
 obscuro sit, quid sentiendum sit de statuto, tunc enim
 ex jure communi interpretationem hauriendam esse,
 asserit prædictus Mynsing. 1. *observ. 5. num. 4.* ceu ali-
 quando etiam Dnn. Assessores Cameræ Spirensis Im-
 perialis in defectu literariorum documentorum quin-
 que idoneos & juratos testes *juxta L. 18. C. de Testib.* non
 obstante hujusmodi statuto, admisisse, ulterius attesta-
 tur *num. 3.*

VI. SYNONYMA Literariorum Documentorum varia
 in jure occurrunt, quæ omnia hic recensere si velle-
 mus, pagellæ, quæ succinctæ, juxta statuta Academica,
 disquisitionis vicem sustinere debet, in plus justo diffu-
 sionem molem excrescerent. Sufficiat itaque hic pro
 instituti ratione, potiora atque usitatiora retulisse. Et
 quidem ratione SUBJECTI vocantur Instrumenta, L. 1.
C. de jur. jurand. propter calumn. Nov. 44. & Nov. 73. Mo-
 numenta L. 10. *de probat.* L. 3. §. 2. *de Testib.* à MATERIA
 designantur Tabellæ vel Tabulæ. L. 27. *pr. de furt.* L. 4.
 §. 3. : *fam. ercisc.* L. 19. *qui testam. fac. poss.* L. 1. *C. de Bonor.*
poss. contra tab. & tot. tit. ff. de Tab. exhib. cujus appella-
 tionis originem & usum explicat Donell. *lib. 25. cap. 1.*
Com. jur. civ. It. Codicilli. L. 7. & *fin. C. de Codicillis.* Co-
 dices, L. *fin. C. h. t.* It. chartæ seu chartulæ, L. 20. L. 21.
C. Eod. L. 13. C. de donat. à FORMA Scripturæ L. 14. *C. b. t.*
 L. 16. *de donat.* L. 5. *C. si cert. petat.* Literæ. L. 26. *de const.*
pecun. L. 134. §. 2. *de V. O.* L. 57. *de donat. inter Vir. & Uxor.*
 Item: Breves, Græcè βρεβιοι h. e. compendiosa scri-
 pturæ L. ult. *C. de conven. Fisci debitor.* L. 1. *C. de Exactorib.*
tributor. l. 10. & L. *fin. §. 1. in fin. C. de Appellat.* Unde &
 Germ. vocab. Brieffe: descendisse opinamur, In jure

autem feudali, Breve testatum vulgò est, der *Muths Zettel* lib. 2. feud. 32. Pluribus consul Haimensteld. in *Gloss. verb. Teuton.* à FINE l. EFFECTU: Cautiones. L. 22. C. ad Sctum Vellejan. Securitates. L. 14. §. 1. C. de N. N. P. It. Testationes ac Testimonia. L. 1. de L. Cornel. de falsis. quatenus np. in scripturam collata sunt, aliàs propriè loquendo in affirmatione testium consistunt. L. 29. de probat.

VII. Deinde & Metonymicè, & quidè per metonym. subjecti pro adjuncto; vel signi pro signato, appellantur Contractus, ut in L. 17. C. b. t. Nov. 44. Obligationes. L. 47. §. 1. in fin. de pact. & L. 7. C. de N. N. P. h. e. *Scriptura obligationem, vel contractum continentes.* Germ. Eine obligation. Et hodie in idiomate nostro Germanico literaria documenta vocantur *Schrißte*, oder *Brieffliche Urkunden* / ab antiquâ particula *Uhr* & verbo *Rundten* / compositum, quod cum singulari quâdam emphasi significat, quasi multum testari, patetfacere aut demonstrare. Sic parili modò dicitur: *Uhralt* h. e. perantiquum, pervetustum, vel admodum senex. *Ein UhrOchse* / quasi bos prægrandis. Item: *UhrFriede* / quasi *überFriede* / pax tutissima, vid. *Land. Recht* / lib. 1. art. 8. & ibi gloss. Et *UhrPhedt* q. s. ein *Eydt* / so *über den Eydt* geschworen wird / also / daß man die Sache v. g. incarcerationem &c. nimmermehr ahnden oder rächen wollen. vid. *Besold. Thesaur. pract.* in voc. *Urkunden*. It. vocantur simpliciter *Schriften* / *Brieff* und *Siegel*. Memorial, Instrument, Document, &c. confer constitut. Maximil. 1. von Notarien / zu Eöln de anno j. 5. 12. in pr. vers. aber nachdem. Alias denominationes, quæ cuique speciei conveniunt, aliis plus otii habentibus relinquimus investigandas.

VIII. Haut incommode autem hic circa investigationem Synonymorum inter Dd. duæ Quæstiones moveri solent, Quarum prima hæc est: Utrum donatō, oppignoratō, vel alio modo ad tertium translatō documento literario, jus quoque in eo contentum, obligatum ac translatum intelligatur? Quam nos cum Wesembec. in paratit. ff. de pignoratit. act. num. 5. & ibid. Habn. in observat. Gailio 2. Observ. 37. num. 10. & aliis pluribus. Affirmamus per L. 1. C. de donat. L. 2. C. Quæ res pignori oblig. poss. vel non. L. 7. C. de Remiss. pignar. junctâ L. 18. §. 2. ff. de mort. caus. donat. cum L. fin. pr. ff. de pignorat. act. (ubi mentio sit instrumenti **ALLIOTITATIS**, quod Magnus Dn. Cancellarius **TABOR**, Accuratissimus ac Ingeniosissimus Juridicarum dictionum & phrasum Iudgator, in privatis suis Lectionibus ad h. tex. Documentum **DOMINII**, in quo jam jus quesitum emptori continetur, interpretatus est. Confer Cicer. Orat. pro domo suâ & communem Interpretum L. L. XII. Tabul. Scholam. ad L. 12. ex jur. priv. ubi, teste Oldendorpio, voc. autoritas, pro legitimi jure domini exponitur; id quod obiter hic monere volui.) Et ratio est; quia instrumentum sive Chirographum non tam ex literis aut materiâ, h. e. tabula, cerâ, membranâ, sive chartâ, quàm ex jure ac potestate, h. e. contentis, æsttimandum, ita ut, qui vendit istud; non modo membranam vel chartam, sed potius ipsum nomen ac debitum vendere videatur, L. 44. §. 5. & 6. de Leg. 1. & l. 59. de Leg. 3. Nec obstat, quod mancipia, vel res donatario non fuerint traditæ, sed saltem instrumentum, quod non continet in se traditionem; sed probationem saltem gesti negotii &c. Jam verò ante traditionem donatarius haut efficitur Dominus, L. 6. & fin. §. 1. de donat. E, xl. **RESPONDEMUS** enim distinguentes (1) inter Naturalem, Veram, ac Corporalem traditionem, de

qua objectio exaudienda; & Civilem, præsumtam ac fictitiam per brevem manum, ut loqui interpretes consuevêre *ad L. 3. §. 12. de donat. inter Vir. & Uxor.* cujus generis traditiones varias commemorant *ad L. 77. de R. V. notante Cujac. lib. 19. Observ. cap. 18.* Et de hac superius adducti text. nostri int. Illigi videntur. (2) inter initium, & progressum juris: Cum olim sine traditione sive verâ vel fictâ, haud valebat donatio, nisi adhibita stipulatione, qua donatarius donatorem compellere poterat ad traditionem, *L. 4. §. 7. C. Th. de donat. donec Gloriosissimo Imperatori nostro in L. 35. §. 5. C. de don. & §. 44. & 45. de R. D.* aliud placuerit.

IX. Altera Quæstio, quæ torte sub Doctrina Effectuum commodius ventilari potuerat, est hæc: Num Possessio per instrumenta quoque probari possit? Nos ut brevibus expediamus, cum prælaudato Magnifico DN. Cancellario TABORE *in collegio Pandectarum inter privatos parietes habito ad Wefesembec. tit. de acquir. vel amitt. poss. num. 6.* Distinguendum autumamus inter ipsam possessionem; & possessionis apprehensionem: ita ut hæc; non æquè autem & illa directò instrumentis probari possit. Nisi (1) vel expressa fiat mentio in illius instrumenti tenere de ipso actu translationis possessionis, quæ in rebus soli inductio est. Vel (2) factum admodum foret antiquum; & quæ sunt cæteræ limitationes, quas Finckelth. *observ. 117. & Mascard. conclus. 1184. de probat.* & alii passim adnotârunt. Sed nunc è diverticulo in viam revertendum.

X. Expositis itaq; iis, quæ ad *ὀνομαστικὰς*, seu definitionem *Nominalem* spectare videbantur; iusto nunc ordine ad alteram quoque vestibuli partem, quæ *Definitionem* ac *Divisionem* exhibet *Realem*, ulterius progredimur. Variæ autem, cum nulla in jure nostro repe-

reperiri videtur, hinc inde à DD. traduntur. Wesembecius, ut cœteros hic taceam, definit *in suis paratit. ff. num. 1. sub fin. instrumentum* quod sit Scriptura, à publica persona confecta, quæ sine alio adminiculo fidem facit in iudicio. Quæ sanè definitio, cum uni saltem competat speciei, instrumento sc. publico, & quidem à Notario, ex conventionem partium confecto, exclusis Scripturis privatis, nimis angusta, adeoque sic strictior tuo definito apparet. Generaliorem autem prælaudatus Autor *in Elaboratissimo suo ad lib. 4. C. Commentario ad hunc tit. num. 11. sub fin.* nobis exhibet, quam & nos hic tanquam priori hâc accuratiorem approbamus. Est hæc: *Instrumentum*, sive potius, *Documentum literarium* est Scriptura in charta vel pergameno, ab habilibus ac idoneis personis de rebus jure permisis inter Homines verè gestis, legitimè ac ritè confecta, ad probationem, vel solennitatem, ac memoriam alicujus rei, quæ in illa continetur, valdè comparata: Vulgò: Ein Briefflich Urkundt / locument, oder Schrift / dadurch die Handlung und Willen der Menschen / damit sie nicht in vergessen gesetzt / in ewiger Gedächtnis behalten und bestetiget werden it. *Vid. Constit. Maximil. von Notarien zu Colln de Anno 15. 12. in pr. vers. aber nach dem.*

XI. *Generis*; vicem hic loci subit verbulum: *Scriptura*: utpotè quæ ambitu suo non solum publicam; sed & privatam, atque ita quælibet literaria documenta, quæ vel plenam, vel semiplenam faciunt fidem, complectitur. Deinde propterea, ut hic vis voculæ: *Literarum* sive *Literarium*: depingatur, & in hoc ab aliis probationum speciebus, quæ sine scriptura fiunt, ut sunt: testium probationes ac testimonia, item: schedulæ incise, ausgeschnittene Zettel. bacilli fissi: Kerkstöcke /

Et denique subiungitur : *ad probationem ac fidem, vel solemnitatem rei &c.* ad demonstrandum *Effectum & Finem*, qui multiplex alicujus rei esse potest. Et ulterius : *rei alicujus, quæ in illa continetur* : ut indicetur, tenorem Instrumenti diligenter esse observandum, quia quod Instrumentum vel chirographum non cantat, nec nos cantare debemus *per ea, quæ traduntur in Barb. locupl. lib. 9. cap. 73. axiom. 1. & 14.* De quibus singulis causarum speciebus inferiùs paulò prolixiùs acturi sumus, Divinâ favente Gratiâ.

XIII. Definitionem justâ nunc methodo excipit *divisio* ; quæ licet in jure & à Doctoribus varia & multiplex exhibeatur, unde forsân quoque est, quòd Amplissima hæc Materia reliquas ferè omnes diversitate nominum superet ; Nos tamen in præsentiarum, habitâ earum potissimum ratione, quæ propriè huc spectare videbuntur, incidentes obiter saltem tangendo, *Generalissimè* ac in universum dispescimus ac distinguimus Documenta literaria in *Propria* : & *Impropria*, vel *Quasi*, seu *Analogæ* ; ad similitudinem Obligationum, quæ etiam aut ex verò contractu ; vel quasi : aut ex maleficiò ; vel quasi, descendunt. §. ult. l. de Oblig. & t. r. ff. de præscript. verb. veluti aliàs quoque particula : *Quasi* : passim in jure nostro improprietatem denotat. Sic parili modò, & Feuda, in propria, & impropria distinguere advertimus 1. feudor. 2. §. 1. Et 2. feud. 48. & 81. Conf. Wurmsfer. in Tr. de Feud. Impropris Class. 2. num. 4. qui prolixum consentientium Feudistarum catalogum conscripsit.

XIV. Et *Propria* dicimus ea, quæ naturum habent Propriam, videl. scripturam, testationem, subscriptionem, subsignationem, & alia, quæ ad substantiam & solemnitatem Instrumenti genuini pertinent ; sicuti

aliàs Instrumenti s. Chirographi natura est, ut scribatur & signetur.

XV. *Impropria* verò, quæ non veram formam ac qualitatem (puta scripturam ac subsignationem &c.) proprii Documenti literarii habent, sed quod ex analogia quadam ratione Effectus ad probandum debitum, propria imitentur: Ut sunt Schedæ incisæ *ausgeschnitten*; Zettel / & bacilli fissi *Kerbstöbger* &c. de quibus, & pluribus aliis infra circa Affinia. fortè latior dicendi campus erit.

XVI. PROPRIA autem literarum documenta ob diversitatem causarum iterum variè à DD. & Pragmaticis dividi solent; Et quidè: ratione *Causæ Efficientis* sunt vel *Publica*; vel *Privata*. L. 20. C. b. t. L. 21. pr. L. 23. ad L. Cornel. de fals. L. 11. vers. *sin autem C. qui pot. in pign. bab.* L. 5. & 6. C. de probat. Novell. 47. & 49. cap. 2. Quædivisio nec juri Canonico prorsus incognita. cap. 7. x. de convers. conjug. cap. 11. de presump. cap. 9. de Elect. cap. 17. de Arbitr. Et cap. 26. de Testib. & alibi passim. ILLA considerantur rursus vel in *Genere*; vel in *Specie*: In *Genere*, respectu *Effectuum*, q. nempè & privata documenta, tribus testibus subscripta, ob plenam probandivim pro publicis haberi solent. L. 11. C. *qui pot. in pign. bab.* In *specie* verò, respectu *causæ Efficientis*, cujus intuitu *publica* saltem dici merentur, quæ ritè ac solenniter per Authentica personæ manum publicam, publicè exarata vel ordinata sunt, publicæque per se constant ac firmanur autoritate. d. L. 20. C. b. t.

XVII. Et Hæc sunt vicissim vel *merè simpliciter ac Absolutè* talia; vel *quodammodo saltè ac respectivè* talia: Merè *simpliciter ac absolutè* talia sunt, quæ *κατ' ἐξουίαν* vel ab ipso Principe ac Magistratu scripta; vel in ejus præsentia, à Cancell. ac Consiliariis, aliisve; quibus
spe-

specialiter Mandato ac jussu suo hujusmodi perficiendi
 publici Documenti potestatem comisit, confecta sunt;
arg. L. 9. §. 1. de R. D. ab ipso Principe verò ac Magistratu
 subscripta ac subsignata. Vel brevius: Quæ auto-
 ritate Principis, sive Magistratus, ac judicis sunt mu-
 nita. Cujusmodi sunt omnia literaria Documenta apud
 Magistratum extantia, sive sint *Litera*; *Libri*, vel *Acta*.
 Quam varii autem generis sint hæc *Litera* ac *Libri*, videri
 potest apud Rutg. Rulant *part. 2. lib. 5. c. 6.* ACTORUM
 autem nomine hic continetur quicquid autoritate ju-
 dicis tactum est in judicio, vel alibi quocunque in loco
 in figura judicii, *L. 4. §. 1. in fin. ff. de interrog. in jur. fac.*
 Ut sunt (1) ipsa judiciorum gesta, actaque Processus,
 quæ etiam dicuntur scripta s. volumina gestorum, *L. 39. §. 1. in fin. C. de Appellat.* in quæ, videl. res gestæ in
 judicio rediguntur ab officiali cum designatione tem-
 poris & loci ad perpetuam rei gestæ fidem constitu-
 endam. *L. fin. C. de Re judic. L. 2. C. de Edendo. L. 30. L. 31. de donat.* (2) Confessiones judiciales apud Acta tactæ.
per t. jam. d. t. de interrogat. junct. L. 25. in fin. ad L. Aquil.
§ L. un. C. de Confessis. (3) Sententia, quæ in rem judi-
 catam transiit; quæ omnino paratam executionem
 habere debet, ne evadat inanis & frustratoria, & per
 eam judicia reddantur elusoria. *L. 2. §. t. t. c. de Execut.*
ei judicata. Confer. Ordin. Cam. part. 3. tit. 48. Et de-
 nique (4) omnia cætera acta, s. gesta judicialia, tam
 Civilia, quam criminalia, *L. 2. C. de Edendo.* Sive sint
 jurisdictionis contentiosæ, sive voluntariæ, h. e. quan-
 to privati scripta sua offerunt Principi, vel Magistratui
 confirmanda, *L. 19. C. de Testam. cujus perdifficilis textus*
requisitisimè elaboratam expositionem & Analyticam, &
syntheticam, videfis apud Illustr. Dn. TABOREM, Juris
Analytica Jurisprudentia hodiè sine PARI, in Aureo

tractatu suo de Testamento Principi aut Comiti oblato. Publicis autem accensentur, (1) ratione causæ Efficientis, nempe Tabellionis s. Officialis ac Actuarii, qui est persona publica (2) ratione Loci, quia sunt in loco iudicii, qui est publicus. (3) coram iudice, personâ itidem publica, cujus autoritate in publicam formam redigi solent.

XVIII. Huic autem speciei (discursu de l. 1. Constitutionibus Principum, ut & eorundem Edictis, Mandatis, Privilegiis &c. ad jus publicum remissio, de quibus post Reinking. *de Regim. Secul. & Ecclesiast.* omnium accuratissimè solidissimeque more suo præfatus Magnus Dn. Cancellarius TABOR in prælect. public. super Otton. de jur. publ.) Autore Weseembecio in Paratit. ff. b. t. num. 2. & ibi Habn. Subjicimus quoque (1) Scripturas, Principis, s. Magistratus Municipalis alicujus civitatis, ut & Universitatis, aut collegii alicujus approbati &c. sigillò authentico corroboratas. cap. 2. x. b. t. & cap. 5. & 7. x. de probat. (2) Scripturas quaslibet ex Archivo publico, cui antea ritè illatæ sunt, depromptas ac productas, licet in se privatæ sint, per auct. ad hac versic. Item. C. b. t. junct. l. 45. §. 7. de jur. Fisci. Pro publicis autem reputantur, inspectâ ratione, quod sunt ab Officiali publicitatis ad id constituto, & producuntur ex loco Archivi, qui censetur authenticus, cujus etiam naturam deinde assument afferente Dn. Rutg. Rub. part. 2. lib. 5. cap. 8. num. 1. de commissar. & commission. & Beust. ad l. admonendi. num. 840. de jur. juran. Archivum autem hic loci nihil aliud est, quàm locus sive receptaculum, ac Scrinium, in quo Scripturæ monumenta & Acta Principis ac Civitatis reponi solent, ut ibi reserventur sub custodia Archiotæ, h. e. archivi. Præfecti ac custodis. L. ult. §. 10. de munerib. & Honor.

Novell. 15. cap. 5. §. 2. Cæterum, quomodo aliter appellari solet, & quibus competat Archivum? It. quàm varii generis s. speciei sit? &c. vide *Nobilissimum atque Consule-issimum Abalverum Fritschium, J. D. & Consiliarium Schwarzburgicum, Affinem atque Fautorem meum summopere colendum, in pereleganti tractatulo suo, quem habuit ita pridem typis divulgavit, de Jure Archivi, & Cancellariæ per tot.* Et denique (3) Scripturas, quæ apud Magistratum, vel Acta fiunt ac insinuantur, *L. 31. C. de don. & postea petentibus partibus Magistratus autoritate publicantur. L. 2. C. de Testamentis, & L. 19. eod. Bachov. ad Wesemb. paratit. h. t. n. 2. lit. E. ferè in fin. & Habn. ad eund. num. 2. juncto C. L. A. th. 3. ad hunc t. num. 1.* Quæ documenta etiam Doctoribus Teste *Wesembecio nostro cit. loc.* ratione loci, judicialia, vel instrumenta judicum appellantur. *Vid. C. L. A. d. L.*

XIX. Quodammodo autem sive respectivè ac secundum quid PUBLICA documenta literaria sunt: (1) SCRIPTURÆ ac LIBRI Officialium publicorum extra Archivum, vel curiam versantium, v. g. Administratores Reip. &c. ut sunt Syndici, Camerarii Civitatis. It. Thesaurarii, Quæstores, Campsores &c. quorum libri Rationum, v. g. censuum, tributorum, Collectarum, Gabelarum, aliarumque publicarum exactionum &c. regulariter ad scribendum, acceptandum, & expendendum ordinati sunt. Quibus annumerari aliis quoque solent Libri Collegiorum, vel Tribuum, quos vulgò *Zunft-Bücher* vocant; qui licet propriè publici dici nequeant, cum ex privatis personis hæc corpora vel collegia constent; quia tamen hujusmodi sunt, ut potentiâ singuli Senatores existant, velut Aquisgrani, Coloniae, & alibi, ex iis Senatores eligi, moris esse perhibet Rulant, *part. 2. lib. 5. cap. 10. num. ult. de commissar. & Commiss.*

Ideoque & quasi publicam videntur constituere personam, eorumque libri produci posse in vim probandi, *cen in causa Eschenau contra Dagenau simplicis quarele factum fuisse idem Autor cit. num. ult. in fin. attestatur.* Et quanquam prædicti hi libri maxima ex parte cum Libris Magistratuum convenire videntur, tamen rei veritate penitiùs inspectâ, eos utique discrepare ac differre à Libris Magistratuum deprehendimus; Hi enim (1.) sunt judiciales; ILLI, np. Officialium, sunt Extrajudiciales. (2.) HI, nim. Magistratuum, sunt *merè ac absolutè PUBLICI*, adeoque perpetuæ ac inconcussæ fidei, ita ut vix audiat probatio in contrarium. L. 30. C. l. ult. C. de donat. junctâ L. 10. ff. de probat. Et quæ dicturi sumus infra in lb. 68. ILLI Officialium verò, Quasi vel quodammodo saltem PUBLICI, adeoque longè facilius, quàm Principis ipsius, sive Magistratuum Edicta & Mandata, contraria probatione oppugnari possunt, cum non nisi in iis, quæ ad Officium eorum publicè demandatum spectant, illis Fides adhiberi soleat. (II) INSTRUMENTA per Notarium publicum, requisitum ad hoc, in forma solenni & probante facta, L. 17. C. b. t. & Novell. 44. pr. Quæ alias etiam Extrajudicialia, aut Forensia, dicuntur. L. 20. C. b. t. Græcè ἀγογία, non ἀπόδοια appellantur Nov. 73. cap. 7. Nov. 117. cap. 2. & Nov. 142. cap. 2. fortè, quod publicis Tabellionibus in foro locus erat, ut esset semper parata eorum opera iis, qui desiderarent tabulas Rittershus. ad Nov. part. 4. c. 24. n. 30. QVASI autem vel Quodammodo PUBLICA insigniuntur ipsorum Instrumenta, non; quòd ratione causæ Efficientis non sint publica; ut vult Treutler. volum. 2. disput. 5. lb. 1. lit. D. sibi metipsum tamen contrarius in subsequ. lb. 2. lit. B. ubi Notarios personas Authenticas vocat, & quidem autoritate

Cæ-

Cæfareâ brevio examine, per Comites Palatinos creatas &c. Jam verò Persona refertur inter causam Efficientem. E. consequenter etiam, ratione causæ Efficientis ipsorum instrumenta publica erunt. *per ea, quæ edisferit Bachov. d. l. ad præcitatum Autorem*; verum quod respectu Effectus, cum mutuata quâdam autoritate suffulciantur, fidem quidem publicam, faciant, sed non tantam, ac omni exceptione majorem, quantum sustinent ac operantur literarum documenta ab ipso Principe aut Magistratu confecta aut subsignata; Sicuti enim Princeps ac Magistratus gradu & dignitate, autoritateque Notarium longe antecellit; ita & eorundem documenta Notariorum instrumentis fide & autoritate præpollere debent. In quo præcipuè etiam inter se differre videntur.

XXI. Hucusque de prima specie, n.p. de **PUBLICIS** literarum Documentis, succedit nunc altera; n.p. de **PRIVATIS**, quæ ut plurimum generali nomine: *Scripturarum* s. *Literarum*: efferuntur; alias domesticæ & privatz testationes ac annotationes dictæ. *per L. 5. & L. 7. C. de Probat.* Et sunt, quæ non à publica, sed privata quapiam persona conficiuntur, subscribuntur; ac sigillantur, & per se valde exilem, aut planè nullam autoritatem habent; licet vel maximè quoque manu tabularii ac Notarii (non adhibitæ tamen requisitis solemnibus) confecta sint; *d. L. 5. & 7. C. de probat. & Nov. 73. cap. 8.* Sed vel ex solius scribentis scriptione robur suum acquirunt; ceu in primis de testamento Patris inter liberos conditio constare videtur; quod valere dicitur in *L. 21. §. 1. & subsequ. Auth. Quod sine C. de Testam.* modò de ipsius manu, sive scripturâ constet. Dispersuntur autem in *simpliciter* ac merè **PRIVATA** & **MIXTA**. Quorum Hæc, intervenientibus
ami-

amicis & propinquis, à privatis conficiuntur, & una cum tribus ad minimum ex iis rogatis testibus subscribuntur ac sigillantur à contrahentibus. L. 11. C. qui pos. in pign: MIXTA autem dicuntur indè, quod ratione subscribentium sint quidem privata, ratione *Effectuum* verò, cum ad instar publicorum instrumentorum plenam vim probandi obtinent, pro publicis habeantur. d. L. 11. & *Giph. in Comm. C. ad eam.* ILLA autem sunt à privatis, nullis aliis adminiculis accedentibus *per sepius jam cit. L. 5. & L. 7. C. de probat.* Et Hæ merè *privata Scriptura* iterum communiter DD. subdistinguntur in *Schedulus, Literas & Libros.* Vel accuratius: *Juxta Laudatissimum Magnificum DN. Cancellarium TABOREM, fctum hac in arte ingeniosissimum & ferè incomparabilem ad C. I. A. th. 3. n. 1. in fin.* quod Hæ considerari possint, quatenus videlicet earum alia contineat vel *descriptionem*: eamque vel *Rerum*: vel *Testium*: *Rerum*: ut sunt: *Inventaria* L. 1. §. ult. de jur. dot. Divisiones hæreditatum, vulgò: *Erbfenderung* oder *Theil-Register.* *Testium*: ut sunt: *testationes* sive *testimonialia* ac *attestata.* d. L. 5. C. de probat. Vel *Actum* aliquem: qui vel *maneat* apud *scribentem*: sive sit *simplex*; continens vel obligationem modò, vel liberationem saltem; sive *Mixta*, continens & acceptionem & liberationem, h. e. & accepta & expensa, ut sunt: *Libri rationum*, confecti vel ratione singularis conditionis de re singulari nobis propriâ, ut sunt *Libri rationum Societatis, Mercatorum &c.* vel ratione administrationis rerum alienarum, ut *Libri Tutorum, Curatorum, Institutorum, Præpositorum &c.* vel de vulgaribus acceptis & expensis, privatae saltem memoriæ causâ, ut sunt: *Calendaria, Breviaria, Diaria, Memorabilia seu Adversaria,* & similia, vulgò: *Privat-Register.* d. L. 5. 6. & 7. C. de prob.

Vel

Vel traditur alteri, & continet aut *Obligationem*, & dicitur *Syngrapha*, *Chirographum*, *Epistola*, *Cautio* &c. vulgò: *Handschriften* / *Handvesten* / *Bekandnisse* / *Schuldbriefe* / *Schriftliche Scheine* &c. Aut *solutionem* sive *liberationem*: eamque vel in gratiam *Debitoris*; ut *Apocha*: vel in gratiam *Creditoris*, ut *Antapocha*. De quorum differentiis specificis in subsequenti Thesi ulterius dicitur.

XXI. Et *Chirographi* vocabulum quod concernit, sciendum, illud diversimodè in jure nostro reperiri ac accipi. Et quidem vel *Generaliter*; vel *Specialiter*: *Generaliter*, quatenus in latissimò suo significatù quamlibet manu alicujus confectam complectatur scripturam, ita ut & literæ commendatitiæ dicantur *chirographa* per c. 1. & c. 2. *distinct.* 98. Item & attestations testium; per c. 2. *vers.* & *licet. distinct.* 22. & per L. *pen. ff. qui testam. fac. poss.* *Specialiter*; prout rursus sumitur vel *Propriè*; vel *Impropriè*: *Propriè* iterum vel *strictè*, vel *strictissime*. *Strictè* pro scripturâ, quam quis sua manu in sui emittit præjudiciu, comprehendente & *Apocham* & *antapocham*, L. *ult. C. si cert. petat. L. 57. de administrat. & pericul. tutor. & tot. tit. C. Etiam ob chirographar. pecun. pign. teneri posse. Strictissime* autem ac in specialissima sua acceptione describitur, Scriptura privata, quâ debitor confitetur, se quid ex certâ causâ, v. g. ex mutuô, Empr. vendit. &c. alii debere; vulgò cine *Schuldverschreibung* / *Schuldbrief*. Et in hac significatione distinguitur. (1.) ab *Apochá* & *antapochâ*, quæ non contractum, sed solum probant debitum. (2.) à *Syngrapha*, quæ inter plures paciscentes in rei fidem conscribitur. *vid. Nobiliss. Dn. Struð. Doctor ac Fautor olim meus summopere de venerandus, in Exercitat. 28. tb. 23. Impropriè*: & quidem. (1.) *Metaphoricè* ut in L. 41. ad L. *Aquil.* ubi testamentum

D
chi-

chirographum quoque dicitur. Et *Coloss. 2. vers. 14.* ubi L.L. & decreta V. T. Apostolus chirographum vocavit. *vid. Luc. Osiand. add. cap. 2.* (2.) *Metonymice*, & quidem per Meton. subjecti, pro tabulis five chartâ ac membrana chirographi L. 84. §. 7. *de Legat. 1. junct. L. 14. C. de solut.* Deindè pro re, five ipso debito, seu potius pro obligatione & Actione, quæ chirographo designatur L. 44. §. 5. *de Legat. 1. & L. 39. de Legat. 3.* Et denique (3.) *Ab sine* pro eo, quod jam est inane, debito scil. soluto, L. 28. *de mort. caus. donat. cum L. 27. pr. de furt.* Et tantum de chirographo.

XXII. ΑΠΟΧΑ, Græcè ἀποχὴ δὲ τοῦ ἀπὸ τοῦ, quod recipere significat; hinc Latine *Receptio*, vulgò: *Quintania, Quittang/ Quittung/* à Gallicò *Quitter*, i.e. liberare; vel à *quiete*, quod debitorem quietum reddat, dicitur, quæ à creditore Debitori datur, in quâ sibi à debitore solutionem factam fuisse profitetur; Et ANTAPOCHA, quasi contraria Apocha, quæ manu debitoris est conscripta & creditori traditur à debitore, quâ fateatur, se accepisse jam pecuniam vel aliam rem creditam à creditore. L. 14. *C. b. r.* vulgò ein *Rückschrein/ Gegenbefântniß &c.* Et sic differunt in hoc; quod in hac debitor caveat creditori; in illi creditor debitori de factâ pecuniæ solutione, vel rei præstatione.

XXI. *Literæ* five *Epistolæ*, vulgò gemetne *Sendeschreiben/* sunt scripturæ, quibus absenti, vel quasi, quis mentis suæ intentionem aperit ac declarat. Quam descriptionem & Cicero *ad Q. Fratr. lib. 1. Epist. C.* confirmare videtur, dum inquit: *Illud est Epistola proprium, ut is, ad quem scribitur, de his rebus, quas ignorat, certior fiat &c.* Et harum quoque dantur variæ ratione formularum: Aliis enim *formulis* utimur in *Testimonialibus*, uti sunt Martyremata Academica & Scholastica; quæ probatis,

ris ac protectûs testimonium continent. Quò referuntur etiam vulgò die *Lehrbriefe/ und Rundschaften* sein es *Verhaltens &c. aliis, in Credentiis, Credenzschreiben/* quibus volumus ac petimus, ut alicui fides habetur de negotio expediendo &c. *aliis, in promotorialibus, in Vorschriften/ & aliis, in dimissorialibus, vulgò Losßbriefe über Leibeigenschaft/ &c.* de quibus, & pluribus aliis confer Jacob. Bornit. *de Instrumentis lib. 2. cap. 42. per totum. & Besold. Tbesaur. Pract. in voc. Handschrift.*

XXIV. Ratione FORMÆ & quidem *Substantialis:* in AUTHENTICA sive *Originalia*; & Authenticorum ac Originalium EXEMPLA. *L. 3. C. de divers. Rescript. L. 2. ff. & L. 17. C. ut & cap. 1. X. b. t. junct. L. ult. quemadm. testam. aperiant. cum L. 8. ff. fam. ercisc.* AUTHENTICUM seu Originale est primitiva illa instrumenti scriptura, quæ solenniter ac ritè ex *Protocollo* cum præfationibus & clausulis suis consuetis extenditur ac in mundum redigitur; *d. L. 17. C. b. t.* adeoque sic quasi origo istius actus omniumque exemplarium, quæ inde transsumuntur. Germanice: *Das Reine/ das Original, der Hauptbrief/ oder Hauptverschreibung.* Dicitur autem Authenticum à Græcô verbô *αὐθεντικόν*, quod Latine: *Autorare*, (vel: ut Matth. Stephan. *ad Novell. Justinian. in præm. n. 29.* vult, pro autoritate loqui:) significat, ita ut *αὐθεντικόν* Latine idem sit, ac *autoratum*, seu *autoritate factum*, h. e. quod à seipsô certæ atque indubitæ fidei est, ut aliunde accersitis probationibus haut quam indigeat, cum ab autoritate valentibus & conspicuis profectum sit; Unde forsân & *Accursius* Gloriosissimi Imperatoris nostri Justiniani constitutiones postremas, (quas cum jam citato Autore totius juris nostri communis colophonem, ac corollarium, si mavis, haut ineptè appellaveris) hâc ex ratione Authen-

licas nominavit, non tam, quod ex ipso Græco Originali ad litteram fidelissimè in Latinam versionem translata fuerint; quàm quod jus earum lautissimus Imperator raturum esse voluerit, nec ambiguum, nihilque jam exoticum ad suam firmitatem desideravit, utpote à se Autore quoddam velut Apollinis oraculum protectum. *Sed hac obiter.* EXEMPLUM autem dicitur; quod ex Authentico seu originali vel per totum, h. e. de verbo ad verbum; vel pro parte saltem, respectu unius vel alterius capitis, descriptum ac transumptum est. Et est vel *simplex*, quæ aliàs exemplatio vel copia, vulgò *Excey* oder *Abschrift* dicitur. Aliàs copiam dare ac facere, idem videtur atque inspiciendi describendive potestatem concedere, *L. 10. §. 2. de Edendo.* Vel *Collationatum* & quidem vel ab ipso Notario, qui & Originale confecit; vel ab Actuario, autoritate judiciali; quod transumptum, sive *vidimus*, i. e. vidimata copia, vulgò *wahre vidimirte Abschrift* appellatur. Nec obstat *L. 10. ff. testamenta quem adm. aper.* ubi ipsum Autenticum ab Ulpiano exemplarium nominatur; conciliat enim hanc *d. L. 10. cum L. 12. d. 1. Rittershus. ad Novell. cap. 1. in proem. n. 11. & 12. confer. Gilhaus. in Arb. jud. civ. cap. 6. part. 3. de instrum. num. 29.*

XXV. Ratione FORMÆ Accidentalis: distinguuntur in *Perfecta*; & *Imperfecta*; h. e. in *primam Notam*, sive *schedam*, vulgò *Imbreviaturam*; & *Protocolum*. *L. 17. C. b. t.* ILLA est quasi prima conjectio informis, in qua prima quasi Elementa, h. e. præcipua saltem capita voluntatum testantium aut contrahentium, super quibus instrumentum conficiendum, summariter memoriæ causâ concipiuntur ac adnotantur, *argum. L. 1. de R. I. junct. Rubr. & tot. tit. C. de sentent. ex pericul. recitand.* (Ubi Alii pro *periculo*, legunt, *breviculo*; Pacius

autem alique ab eò allegati in *Analyſi ſua Cod. b. t. & Cujac. ſ. obſerv. 25.* hanc lectionem tanquam genuinam ex antiquis manuſcriptis retinent & vocal. *periculum*: per libellum ſive indicem exponunt; Nam quod ſummatim & *παχυμερῶς* exponitur, inquit hic, id proverbiali ſermone quaſi per indicem exponi dicitur, citans *§. ult. l. de publ. judic. & l. 1. §. 12. C. de V. l. E.*) Ita ut nihil aliud ſit, quàm ex latiori ſcriptura brevis ſubnotatio quædam. Vel ſuccinctius: Summaria Authentici ſententia. Vulgariter: *Ein Aufzug*. Extract, oder Memorial &c. Et differt ab Exemplò in *l. 2. b. t.* quod Id ex integrò Authentico totum ſit exſcriptum. *vid. C. l. A. tb. 3. n. 3.* Hoc verò, nempe PROTOCOLLUM, (quod Nominatiſſimus Dn. Cancellarius TABOR, Jctus conſummatiſſimus *adjam cit. C. l. A. tb. 18. n. 3.* à voce *κόλλα*. Latine gluten, quaſi ſit conglutination ſeu concinnatio prima; Vel à *κῶλον*, quod membrum ſit primum ſcripturæ, deducit,) Eſt Ordinarius officii liber, in quò Notarius, & Perſonæ Publicæ contractus, alioſque Actus perfectos ac completos in ſuis ſubſtantialibus, cum aſſignatione teſtium, Loci & temporis &c. designant; ad ſimilitudinem boni ac induſtrii Patrisfamilias, qui pariter Rationes, ſive debita ac credita ſua primum in Anniverſariis annotare, deinde ex iis in Codicem tranſcribere ſolet. Matth. Stephan. in *Comment. ad Novell. 44. n. 75. vid. & Weſemb. in comm. lib. 4. C. b. t. n. 30. & Covarruv. 1. Practic. Quæſt. 11. n. 2. & 3.* Vocatur aliàs etiam Autographum, Archetypus, Liber Rogationum, Regeſtum, Manuale; Item Matrix Originalis, ex quâ nempe poſtea ſolenne Inſtrumentum in mundum tranſcribitur, & ad quam inſtrumenta hæc, orto de iis dubio, revo- cantur. Vulgò das Concept/ ſo noch nicht in das reine gebracht. *vid. conſtit. Maximil. I. de Anno j. 5. 12. zu Edm/*

de Notariis. §. Förder befehlen wir/ &c. junct. §. damit.
& §. und soll solchen & seqq.

XXVI. Ratione MATERIE seu Objecti: Litterariorum Documentorum aliud est *Privilegiarium*, v.g. Exemptionale, quo quis jurisdictioni alicujus eximitur. *cap. 7. cap. 12. & cap. 14. X. de Privileg. Immunitatis*, quâ quis ab omnibus muneribus ac oneribus e. c. tributis, vectigalibus &c. præstandis ac subeundis liber ac immunis declaratur. *per L. unit. C. de His, qui à Principe vacat. acceper.* Aliud *Testamentarium*. *L. 24. C. de Testament.* Et aliud *Conventionale*, v. c. Emptionis venditionis *L. 20. C. de probat. Dotis L. fin. C. de dot. caut. non numer. Transactionum L. 38. C. de transact.* Donationum, aliarumque alienationum. De quibus & multis aliis negotiis, tot confici possunt scripturæ ac instrumenta, quot modò obligationum, ac contractuum inveniuntur species: Quò spectat & *Procuratorium*. *L. 65. de Procurat.* *Tutorium* ac *Curatorium*. *L. ult. §. 4. C. de Administrat. tutor.* *Protestatorium* & *Denunciatorium* *cap. 41. XI. de testib. & attestat. &c. confer. Wefemb. in com. C. ad L. 4. b. t. num. 33.*

XXVII. Respectu utriusque, nempe *Materia & Forma*: Aliud est aut *VERUM*; aut *FALSUM* *cap. 7. X. de fid. instrum.* aut *SIMULATUM*. *L. 18. & L. 24. C. de Probat.* aut *SUSPECTUM* *L. 3. & t. t. ff. de His que in testam. delentur, induc. vel inscrib.* Aliud *CERTUM*; aut *DUBIUM* *cap. 8. X. d. t. vel CALUMNIOSUM* *L. 2. ff. eod.* Aliud *OBSCURUM*, vel sibi *CONTRARIUM* &c. *cap. 6. vers. instrumentum. & cap. 10. X. b. t.* De quibus infra de contrariis nobis commodior dicendi locuserit.

XXVIII. Quoad *causam instrumentalem*: Aut est *Instrumentum* s. *chirographum* *ὑποχρεω* sive *ὁλόγραφον*, quod totum propriâ manu conscriptum est: Aut

in egi x e i e g v, quod vel omnino per alium scriptum; aut partim manu propriâ, partim per alium; ut: cûm Testator tantummodò nomen Heredis scribit in Testamento juxta præscriptum L. 29. C. de Testam. Id quod tamen Testator jure *Novell.* non ampliùs tam præcisè observare tenetur, sed per alium quoque, etiam si literas noverit, id facere potest, per *Novell.* 66. cap. 1. §. 4. & *Novell.* 119. cap. 9. modò in extrema parte, vel si lubet, singulis testamenti paginis se subscribat. *vid. C. 1. A. th. 3. num. 4. b. t.*

XXIX. A causa impulsiva: Quoddam Instrumentum est Obreptitium, allegatâ falsitate confectum. cap. 7. *vers. per falsitatem X. b. t.* Quoddam Subreptitium, tacite productum d. cap. 7. *vers. per suppressionem & c. X. d. s. junctâ. L. 20. de probat.* Et hujusmodi non probant, nisi contra eum, qui producit. *Wesemb. in C. C. ad lib. 4. b. t. alleg. Gravert. consil. 200. num. 6.*

XXX. Ratione Causa Finalis: Instrumentum fit (1) vel solennitatis causâ; ut in testamento solenni; L. 21. C. de testam. vel facilioris probationis gratiâ; ut in conventionibus L. 4. b. t. & L. 4. de pignor. & hypoth. *Wesemb. in paratit. b. t. num. 6. Treutl. vol. 2. disp. 5. th. 5. lis. A.* (2) Aut est Principale, aut Confirmatorium; aut Accessorium cap. 6. in fin. X. b. t. cap. 4. cap. 8. cum seq. X. de confirm. utili. (3) Aliud Referens; aliud Relatum, quod illo contineri censetur L. 77. de Hered. instituend. ita, ut non probet referens, nisi probè constet prius de Relato, utpote à quo omnis pendet Referentis autoritas, L. 38. & ibi Gloss. ac DD. de condit. & demonstrat. cum Auth. si quis in aliquo. C. de Edendo ex *Novell.* 119. cap. 3. desumpta. confer Mynsing. 6. Observat. 72. & Coler. pars. 3. cap. 1. num. 56. de Process. Executiv.

XXXI. Ab EFFECTU, & quidem *Primò*: Quòd alia literarum documenta Magis; alia minùs probent. L. 20. C. b. t. L. 11. C. qui potior. in pign. & L. 10. ff. de prob. Ab *Orto*: in Guarendigionata ac Executorialia. L. ult. C. de Edict. D. Hadr. toll. Vocantur Guarentigiata forsan à *Guardia*, quod Tuscis & Lombardis custodia ac securitas est, qua per talia instrumenta plenius custodiuntur ac observantur pacta, magisque in tuto constituitur creditor, sciens, quòd in casu non servatæ fidei, habeat in continenti paratam executionem absque omni ulteriori Processu judiciario. Alii dici volunt Guarendigionata à voc. Gall. *Guarendie*, quod Petr. Frid. Mindan. lib. 2. cap. 69. num. 12. de Mandat. Evictionis præstationem interpretatur, à quo etiam Germanicum nostrum; *Geuehren*: originem suam duxisse refert; à *firmitate*, quòd videlicet hujusmodi instrumento præcisè stet, idque duplici firmitatis argumento confessione scil. ipsius debitoris, & attestazione, fide ac Legalitate Notarii. Sicuti & *Guarentare* nihil aliud denotat, quàm validare, confirmare, vel sufficienter cavere, ac plenè securum reddere: Germanicè: *Einen recht vóllstündlich und genußsam versichern* &c. ita ut Instrumenta *Guarendigionata* sint, quasi obsoles securitatis, h. e. cautiones adversus omnem versutiam, fraudem dolumve Debitoris publicâ Notarii autoritate corroboratæ. Dicuntur aliàs Latinè confessata, Liquida, Verificata, ac Recognita; vulgò flare *Brieff und Siegel*. vid. constitut. Elect. Sax. Aug. sub dict. tit.

XXXII. Ab *Accidentis*: Et quidem ratione Loci: Aliud instrumentum conficitur in Urbe; aliud in Rure L. ult. C. de Testam. junct. Novell. 73. cap. 8. in fin. & cap. ult. & ad eam Matth. Stephan. num. 15. & 16. (2) Ratione

Temporis : quo aliud est Antiquum ac pervetustum, quod facit antiquitate sua, ut omnia solenniter acta seu gesta præsumantur *L. 1. §. ult. & L. 2. de aqua & aqua pluvi. arcend.*; aliud Noyum ac Recens. Vel quod eodem recidit: Aliud Prius, & aliud Posterius, quod semper antistat priori. Deinde aliud Primum; aliud deductum ex primo. *cap. ult. X. b. t.* Quo casu regulariter primum præponderat extracto *vid. th. 24.* Vel (3) *ratione Numeri*: Cujus ratione Instrumentum aut Unicum est ac singulare, quod tamen multorum capitum atque diversarum rerum esse potest. *cap. 5. X. b. t.* Aut Plura sunt: *asserente Montan. Fin. regund. cap. 60. num. 9. & 13.* Et Hæc sunt aut Concordantia, aut Diverfa & Contraria: Quæ concordant, eò majorem quoque fidem ac auctoritatem afferunt; Diverfa autem diversum etiam sortiuntur effectum, nec aliud ex alio inferitur; Veluti solennia unius scripturæ non intelliguntur repetita in altera, si non appareant. *Wesemb. in Comment. C. L. 4. b. t. num. 26.* Unicum verò istud, iterum est vel commune pluribus, vel uni competens. *L. 10. C. si cert. petat. L. 7. C. de Edend. & L. 11. de S. P. R.*

XXXIII. Dicuntur autem Instrumenta COMMUNIA variis modis: (1) quoad proprietatem chartæ, ut sunt instrumenta hereditaria inter cohæredes, vel pluribus legata aut donata &c. (2) Quoad materiam, contractus nimirum in eis descriptos, qui communem utilitatem continere dicuntur; qualia sunt documenta, Emt. Vendit. Locat. conduct. Societatis &c. (3) Quæ ex natura negotii fiunt pro cautione plurium, ut sunt: Rationes & documenta Tutorum, Curatorum, Negotior. gestoris, Procuratorum & Sociorum &c. (4) Ratione publici officii,

E

tàm

tam respectu conficientis rationes vel instrumenta, ut argentarius, & tabellio; quam respectu personæ publicæ custodientis, ut sunt: Libri Censuales, in publico archivo custoditi; vel denique respectu personæ authorizantis, ut est iudex, coram quo fiunt Acta, & quæ his sunt similia. Et denique (5) respectu Boni publici: ut sunt: statuta, ordinationes &c. Quæ publica sunt, adeoque omnibus æquè communia; prout latius deduxit. Rulant. *part. 2. lib. 5. cap. 19. num. 6. de commissar. & com.*

XXXIV. Absolutâ sic tractatione Generali, nunc Regiâ quasi viâ ad specialiore illabimur; Quam in SE; & suis AFFINIBUS perpendemus. In SE considerabimus: & Consentanea & Dissentanea. Consentaneorum nomine veniunt & CAUSÆ & EFFECTUS: Causarum autem alia sunt Externæ; alia Internæ. Externæ sunt Efficiens, & FINIS: Internæ: Materia & Forma.

XXXV. Causa EFFICIENS iterum est vel *Remota*: vel *Propinqua*; vel *Proxima*: Quoad REMOTAM, ratione scilicet. Originis, dicimus, Literaria documenta esse juris *Generium*, utpote quo inventa esse perhibentur, seu vel ex ipsis quoque sacris Literis liquere videtur. Nempe Esdr. *cap. 1. vers. 1. in sin. junct. cap. 4. vers. 7. & 8. vers. 17. & 18. & cap. 7. vers. 11.* planissimè autem *Jerem. cap. 32. vers. 10. & 11. & alibi passim.* præcipuè vero *Exod. cap. 31. vers. ult. & cap. 32. vers. 16. cum cap. 34. vers. 1.* ubi ipsummet JEHOVAM, DEUM, Ter-Optimum Ter-Maximum in Monte Sinai digito suo Divino Decalogum in tabulis lapideis conscripsisse edocemur. Nec desunt, qui scripturarum originem vel ab ipso communi Generis Humani Parente, Adamo, propter reliquias primævæ Naturæ puriores, scientissimo, ac Sapientissimo, ad posteros propagatam, opinentur; veluti de posteris Adami, quod.

quod Parentis pariter ac sua inventa binis columnis, lateratitiæ & lapideæ, duraturæ memoriæ causâ inscripserint, expressè refert *ex Iosepho 1. Antiquit. 4. Polyd. Vergil. 1. de Inventorib. rer. cap. 6. Vid. Jacob Bornit. lib. 1. cap. 5. de Instrum.* Ratione Progressionis verò, h. e. Informationis ac Confirmationis, qualis nempe scriptura in quolibet negotio ad probationem sit idonea ac sufficiens, dicimus esse *iuris civilis*, addendo nimirum vel detrahendo aliquid *iuri Naturali ac Gentium*, L. 6. *de j. & j.* adeò ut hodiè in confectiōe Instrumentorum præprimis Statuta ac consuetudines Locorum, quid inibi observantiæ ac styli sit, attendi debeant. L. 9. & L. ult. C. *de Testam. junctâ L. 1. C. de Emancipat. & hodiè constitut Maximii 1. von Notarien / §. 1. vers. Desgleichen nach Inhalt gemeiner Rechten / oder löblicher Gewohnheit und Gebrauch eines jeden Orts eingeführt und versehen ist &c.* Non enim minorem vim atque auctoritatem habent, quàm ipse LL. L. 32. *de LL. & L. 2. C. que sit longa consuetudo*, ita ut Statuto ac consuetudine Instrumentum fieri possit Authenticum & Executivum, quod antea non erat authenticum & executivum, teste *Gail. 1. observ. 119. num. 4. per cap. 3. X. b. t. & Coler. part. 1. cap. 3. num. 57. & 210. de Process. Execut.*

XXXVI. Quoad PROPINQUAM: Literaria Documenta liberæ voluntatis esse, h. e. unanimi partium consensu confici dicuntur, L. 17. L. 19. C. *b. t. & L. 4. de pignorib.* Quanquam interdum quoque Necessitatis fieri solent, ut, cum vel *Lex*, vel *judex* scripturam fieri mandaverit, *cap. pen. x. b. t. cap. 1. de censib. in 6to cum cap. 11. x. de probat. Wesemb. parat b. t. num. 3. & C. I. A. b. t. tb. 4. in princip.* Cæteræ verò Cautiones violentiâ

aliisve fraudulentis versutijs ab uno vel altero indebitè extortæ, ut in jure nostro in genere prohibitæ. L. 12. de dol. mal. L. 51. de Re judic. & L. 43. §. 1. de admistr. & peric. tut. ita & nullius roboris ac efficacix. L. 9. §. 3. quod met. caus. 6. de Offic. Præsid. ut & L. 16. & 6. C. de Liberal. caus. Etiam si quis sese in iis juramento obstrinxerunt, L. 7. §. 16. de pact. L. 112. §. ult. de Legat. 1. & L. 5. C. de LL. Cum juramentum vinculum iniquitatis esse non debeat. per c. 5. caus. 22. qv. 4. cum cap. 1. cap. 18. & 28. x. de jur. jur. vid. Grot. lib. 2. cap. 23. num. 6. de Jur. Bell. & Pac. & Gail. 1. observ. 25. num. 5. & 2. observ. 77. & 147. n. 2.

XXXVII. PROXIMAM autem Causam Efficientem, h. e. Quinam instrumenta conficere possunt, quod concernit, dicimus: pro diversitate specierum documentorum literariorum, esse PERSONAS, PUBLICAS: & PRIVATAS. Merè ac absolute Publicæ sunt Princeps, Magistratus, & judex &c. qui vel ipsimet conscribunt documenta publica, vel alijs publicis personis ad hoc deputatis mandant d. c. pen. x. b. t. L. 32. §. 2. & §. 4. & L. ult. C. de Appell. cum L. 45. §. 7. de jure fisci. Quodammodo autem ac Quasi publicæ sunt hodiè Notarii L. 11. C. qui pot. in pignor. ibi: Quasi publicè conscriptas L. 32. de Episcop. & Cler. & Novell. 73. cap. 5. & 7. à Notis, quibus olim ad celeritatem scribendi Notarii usi sunt, L. 33. §. 1. Ex quib. caus. major, vel potius à Notando h. e. diligenter scribendo, cautè solliciteque observando, quæ à partibus invicem proponuntur & actitantur, sic dicti; Aliàs Tabelliones. rubr. Novell. 44. Tabularii L. fin. §. 2. C. de jur. deliber. Chartularii. L. pen. C. de SS. Eccles. Libellenses, Epistolares. d. L. 32. §. 2. & 4. C. de Appellat. appellati. Confer. t. t. 69. C. lib. 10. et tit. 50. lib. 12. cod.

Nec:

Nec OBSTAT, L. 1. §. 5. C. de commun. serv. manumiss. & L. 7. in fin. pr. C. comm. de leg. ubi & servi munere s. Officio Notarii fungi dicuntur, adeoque servile potius munus hoc, quàm publicum dicendum, sicuti aliàs quoque Servi publici insigniri solent, ut in L. 2. rem pupill. salvam fore. Distingvenda namque tempora veniunt. Licet olim vile ac servile hoc tabulariorum officium per alleg. text. habitum fuerit; Statim tamen post Arcadii & Honorii constitutionem id immutatum legimus in L. 3. C. de tabular. id quod & hodiè constitutio Imperat. Maximil. I. von Notarien de Anno j. 5. 12. zu Eöln §. 2. confirmavit. ibi: nicht leibeigene / sondern gefreyete / zulässige Person / &c. Itaque servi hodie dicuntur, non quod conditione servi sint, sed quod omnibus munus suum requirentibus, ex officio pro justo salario inservire teneantur, adeo, ut cum legitimi solarii præstatione, quod Ddbus est *subarrhane*, vel inviti, sub pœna perjurii & privationis, ad hocce munus subeundum cogi possint; Nisi (1) Notarius iste sit vel Doctor, ac Clericus &c. §. 15. d. Constitut. Maximil. vel (2) Ob multitudinem negotiorum circa ejus officium occurrentium impediatur. Matth Steph. ad Nov. 44. num. 4. Sixtin. lib. 2. cap. 15. n. 15. sub fin. ferè: de Regal. Adde Treutl. Vol. 2. Disp. 5. tb. 2. lit. E.

XXXVIII. Nec sufficit hoc alii delegasse, Novell. 44. cap. 1. pr. & §. 1. sed in propria persona præstare debet, cum specialiter ejus fides ac industria sive peritiâ a Creante electa & approbata censeatur. Ex speciali enim Principis concessione hæc competit facultas, quæ mandari nequit, arg. L. 1. pr. ff. de Off. ejus, cui mand. jurisd. adeo, ut nec morbo impeditus commissio valeat; Bachov. ad Treutl. vol. 2. disp. 5. tb. 2. lit. D. Quò tamen

casu *Matth. Steph. in C. ad Novell. 44. n. 14.* integrum Notario esse autumat, contrahentes ad se in domum suam vocare, & quatenus per morbum liceat, instrumentum conficere. Nec obstat *d. Nov. 44. §. ult. is, Nov. 73. cap. 7. §. 1.* Quia loquuntur de ejusmodi substitutis; qui ordinarii sunt & perpetui, & quasi Tabellionis Vicarii apud Aëta publica approbati, ut sic vel ipsa Necessitas tunc temporis suaserit, illam delegationem permitti; quemadmodum & hodiè in Camerâ interdum ex Superioris consensu justâ de causâ substitutus admittitur. *Ord. Cam. part. 1. c. 28. §. und so der Prototarien einer & c. 29. §. die Notarien &c.* Hodie tamen poterit conceptum & completum à se, alii fide digno homini ingrossandum, h. e. in mundum redigendum; vel etiam si casu quopiam ipsemet scribere non valeat, ad calamum quoad singula verba dictando, extendendum committere, hac cautela, ut de impedimento suo & alterius ingrossatione in subscriptione attestetur. *d. constit. Maximil. §. 8. und wiewol von Gewohnheit.*

XXXIX Non autem quævis statim persona ad munus hocce autoritate publicum indiscriminatum admittitur, sed ut legalis existat, certis & de jure expressis prædita esse debet qualitatibus. Nimirum (1) ut sit VIR, ad excludendas Mulieres, quippe quæ aliàs ab Officiis civilibus ac publicis arcentur *L. 2. de R. I.* (2) liberæ conditionis, cum servi testimonium perhibere jure civili inhabiles pronunciantur. *§. 6. l. de testam. & Authent. Si testis. cum L. seq. C. de Testib. junct. §. 8. d. Constit. Maximil.* nec aliàs personam habere, nisi *κατὰ γένεινός* in *L. 22. de R. I.* Sed pro nullis potius cense-
feri, dicuntur *L. 32. & L. 209. cod.* (3) integræ opinionis,
&

& moribus probatis, ad repellendos Infames, seu quibus alia dignitatum portæ occlusæ *cap. 87. de R. I. in 6to.*
 Item: Infideles *L. 19. C. de Episcopali Audient.* Excommunicati, Banniti seu Proscripti, alique, qui â perhibendo testimonio in jure prohibentur *per d. §. 1. Const. Maximil. I.* (4) Literatus, jurisque peritus, quantum satis est ad hoc officium, *Novell. 66. cap. 2. in pr.* Licet enim non promotus Doctor requiratur, nec omnes juris apices scire tam accuratè, atramen contractuum, substantialia, pariter & clausularum cautelarumve vim ac differentiam eorundem probè nosse tenetur.
pr. vers. Aber nachdem ic; d. C. Max. I. Adde & Bertazoll. Tr. de clausul. instrum. in proœm. num. 1.

XL. Describi potest, quod sit Persona Authentica, cui vel immediatè ab ipso met Imperatore, vel mediatè, mediante Comite Palatino, prævio examine præstitoque juramento, se fideliter ac ingenuè munus hoc gesturum, nihilque scripturum, nisi quod viderit vel audiverit; tributa est authoritas ac facultas super rebus ac negotiis, quæ hominibus placent; coram testibus ritè conficiendi instrumenta publica. *Consér sapius cit. constit. Max. I. in pr. vers. Aber nachdem ic;.*

XLI. Notanter dixi: ab Imperatore & Comite Palatino &c. ad indicandum, potestatem creandi Notarios recenseri inter Regalia majora, Borcholt. *ad cap. un. quæ sunt Regal. num. 4.* & esse actum summi Imperii, adeoque Soli Imperatori hodie reservari, ita ut cæteri Principes superiorem recognoscentes, ut & Magistratus inferiores, potestate hæc creandi Notarios haut gaudeant, nisi specialissimè quoque; sicuti Comitibus Palatinis, privilegio â Cæsarea majestate iis indultum sit. *Job. Petr. de Ferrariis in Praxi sua Aurea tit. 13. gloss. 3.*

num. 7. *Matth. Stephan. de jurisdict. lib. 2. part. 2. cap. 5. num. 2. & noviter l. H. Stamler. de Reservat. I. R. G. §. 56.* Nec OSTAT, quod Principes ac Status Imperii tantum valeant ac possint in suis districtibus & ditionibus, quandoque Imperator in toto Imperio, &c. Cum hoc, exceptis Reservatis Imperatoris, verum intelligitur. Et quamvis publicis conficiendis scripturis publicæ etiam ab iis Personæ præfici soleant, ex tamen longè distant à Tabellionibus nostris; Præter id enim, *ut loquitur Wesemb. parat. b. t. n. 3.* quod hac electione non evadant Notarii, h. e. Notariorum jura ac privilegia non nanciscantur, præponuntur saltem tabulariis civitatum ac Provinciarum, ut earum chartas, ac rationes tractent, conficiant atque supputent, *argum. L. 1. L. 7. C. de Exactorib. Tribut. lib. 10. & L. 1. C. de censib. lib. 12.* adeoque nec eorum autoritas ac fides per omnia tam generalis ac legalis est atque Notariorum ab Imperatore vel Comite Palatino creatorum, qui ubique locorum, non solum in universo Imperio Romano Germanico, verum & extra illud, officio suo rectè fungi possunt. *teste Gail. 2. Obs. 71. num. 13. & Regn. Sixt. lib. 2. cap. 15. de Regalib. ubi plurimum non modò Germania Jctorum, sed & exterorum Autoritates allegavit;* Sed nimium specialis, & finibus saltem territorii alicujus particularis circumscripta. Confer Hunnium ad Treurl. vol. 2. diff. 5. Resolut. tb. 2. qv. 5. & Noë Meurer. part. 3. der Kaysersl. Liberey.

XI. II. Non adversatur autem suprâ dictis *L. fin. de jurisdict. & L. 3. de Offic. præsid.* ubi dicitur, quod Magistratus extra locum territorii sui jurisdictionem suam exercere haut polleat, multò ergò minùs Notarius, qui tanquam constitutus constituyente suo longè est

est inferioris conditionis. Respondetur enim: à Magistratu Populi Romani malè infertur ad Notarium, cum utriusque ratio appareat diversissima: Notariatus enim est qualitas personæ adhærens, ipsamque ubivis locorum concomitans: Magistratus autem ejusque jurisdictio, ac Imperium magis territorio, quam personæ adhære censetur: h. e. personæ ita adhæret, ut ab ea non quovis, sed certò duntaxat in loco exerceri queat. Leges autem in contrarium adductas quod concernit, illas non de *voluntaria*, cujusmodi & Notarii gaudent, sed *contentiosa* Jurisdictione, sub intelligendas esse cum Interpretibus autumamus; id quod & Exemplum emancipationis, quæ voluntariæ, jurisdictionis est, adeoque quocunque loco peragi potest, L. 36. pr. & §. 1. de *Adopt.* satis demonstrare videtur, *adjung. Zaf. ad d. L. fin. de jurisd. num. 16.*

XLIII. Q. autem præterea hic in præsentiarum: Num Instrumenta confecta à Notario condemnato de falso, propter condemnationem illam fiant ac reddantur invalida? Et Respondemus breviter cum Johan. Sichardo *ad L. 2. C. b. t. num. 7.* Ea saltem instrumenta amittere fidem, quæ post condemnationem Notarii (sive adversus eum per modum accusationis; sive inquisitionis, processum fuerit) confecta sunt; Antea verò ab ipso confecta non vitiari, cum post sententiam demùm latam cadat officio, non antea, *argum. L. 2. §. 3. de His qui not. infam.* Nec aliàs sententia contra Notarium lata, aliis nocere debet. L. 21. d. t. *vid. Prosp. Far. de falsit. & simulat. qv. 155.*

XLIV. Quid autem, si Notarius nondum fuerit condemnatus, sed pendeat processus; Anne interim instrumentum conficere poterit? Et verior sententia

videtur Affirmativa, *Nisi* expresse interdicatur: Est enim adhuc in quasi possessione, & interim Notarius arg. L. 6. §. 1. *de his qui not. infam.* Honestius tamen facere eum, si vel ipsemet suâ sponte à novis amplius instrumentis conficiendis, abstinuerit, haut inficias ibimus cum Bart. in repet. L. 3. *de Offic. Prætor.*

XLV. Haut injucunda porro hic inter JCtos circadoctrinam Causæ Efficientis movetur Quæstio; Utrum etiam Doctor juris Notarii officio fungi, & instrumentum publicum conficere possit? Affirmativam multis propugnare rationibus annitur cum Berlichio *part. 1. concl. 43. n. 50.* Honthem. *de Arte Notariat. lib. 3. cap. 16. n. 7.* Negativam verò defendit cum Prosp. Farnac. *lib. 1. Consil. 94 n. 5.* Walther *cap. 18. q. 77. §. 125. de Privileg. Doctor.* Quam & Nos cum Excellentissimo Dn. Carpz. 6. *Responsor. 18. n. 12. Et seqq.* & Laudatissimo Doctore nostro, Magnifico Dn. Cancellario Tabore in *Colleg. privat. super Wesemb.* tanquam veriore pro virili tuebimur (1) Quod Doctores ad hoc munus, conficiendi videlicet instrumenta publica, creati non sint ab Imperatore vel Comite Palatino; sed ut jus publicè ac privatim vel doceant; vel de eò quæsitî respondeant ac consulant. (2) Quòd juxta constitutionem *Novell. 47. Et 73.* Instrumentum minimè plenam vim probandi sortiatur, nisi constet, quod is, qui illud contexit, verè fuerit Notarius publicus. Jam verò hujusmodi sanè dici non potest, qui non ritè ac solenniter est creatus, non magis, quàm tutor non legitimè constitutus, arg. §. ult. *I. quib. mod. testam. infirm.* (3.) Nonnulli adducunt L. 7. C. *de Nummular. Actuar. Et c. lib. 12. t. 50.* ubi sancitum volunt, ea, quæ facta sunt ab actuario minùs legitimè creato, non valere. Et denique (4) quòd ex superabundanti nec Error quoque ac opinio Hominum quic-

quicquam, quod certò jure definitum est, mutare possit, cum non jus opinioni hominum; sed opinio hominum juri ac LL. subjecta esse debeat. *arg. L. 39. de LL. Nec refragatur hisce* (1.) *L. 1. C. de testam. cum §. 7. l. cod. ubi nihilominus testamentum legitimum asseritur, etiam si servus, ut testis, in eo adhibitus sit, modò is tempore testamenti omnium consensu liberi locò habitus fuerit. Nec* (2) *L. 3. de Offic. Prætor.* ubi rata firmaque pronunciantur, quæ à falso vel putativo Prætoris edicta ac decreta fuere. *Respondemus enim Generaliter; Nobis in præsentis hoc negotio Questionem non esse de Instrumento jam confecto; sed adhuc conficiendo, cum multa sic tolerantur, quæ aliàs haud permittuntur fienda, prout pluribus id ex adductis oppositis textibus videre licet; quippe qui de fictione juris saltem, & ex beniginitate Imperatorum in favorem publicum, cujus vel solius intuitu interdum à Regulis juris communis recedi solet; non autem de ipso jure, utpote quò utique testamentum in se consideratum, illegitimum ac vitiosum est d. §. 7. l. d. t. & servus, inhabilis persona ad Præturam, L. 12. §. pen. ff. de judiciis; exaudiendi sunt, loquentes de singulari jure quod in consequentiâ trahi & ad Instrumentum à Doctore confectum extendi non debet. L. 14. de LL. cum L. 143. de R. I. Confer Nobiliss. Dn. Struv. Exercitat. 4. th. 24. pulchrè d. L. 3. de Offic. Prætor. explicantem, cum aliis ab eo ibi allegatis.* Plura equidem de Notariis, eorumque officio dicenda forent; ne autem extra oleas vagari videar ad cæteras causas inquirendas pergemus. Tantum itaque de causâ Efficiente publicorum Instrumentorum.

XLVI. *Privatas autem quod spectat Scripturas, in propatulo est, omnes, qui contrahere, testari, in judicio stare, aliosque legitimos actus celebrare possunt,*

etiam scripturas super iisdem literis consignare non prohiberi, v.g. testamentum inter suos inscriptis conficere, vel Creditori suo chirographum conscribere, vel aliud quid apud acta in judicio subscribere ac recognoscere *l. c. s. m. b. parat. b. t. n. 3. C. I. A. t. b. 4. n. 3.* Quarum species sive exempla *suprà t. b. 21.* recensuimus.

XLVII. *Causa pognata ex luxu* seu IMPULSIVA literariorum Documentorum varia ab interpretibus juris pro eorundem diversitate perhibetur; Et partim est *Mortalitas* ac *Caducitas* hominum, qui in dies interire solent *L. 76. in fin. de judiciis.* Partim, *Inconstantia* humani ingenii, cujus sapiusculè est, idem asserere idemque paulò post vicissim inficiari *L. 4. ff. de adimend. vel. transferend. legat. ubi expressè asseritur, voluntatem hominis ambulatoriam esse usque ad extremum spiritus halitum;* partim *Oblivio*, cum hominum memoria sit admodum fluxa, atque labilis *L. 44. de acquir. poss. L. 28. de probat. L. 2. §. 13. C. de V. I. E. ibi: omnium habere memoriam, & penitus in nullo aberrare, Divinitatis potius est, quam mortalitatis.* Quò & Cicero pro *Sylla* allusit: Te videtur, dum inquit: *Literæ posteritatis causâ reperta sunt, quæ oblivioni subsidio esse possunt & c.* juxta communem versiculum:

Vox emissâ perit, hæc scripta manet.

adeò, ut literæ semper loqui videantur. *L. 8. C. de summ. Trinit. cum L. 29. C. de Testament. & per ea, quæ operose cangesit Magnificus Dn. Cancellarius TABOR in Thesaur. Locor. comm. lib. 17. cap. 13. axioma. 3.*

XLVIII. Causam Efficientem & Impulsivam excipit MATERIA, sive *Causa materialis*, quæ triplex hic occurrit: Nempè ex *Qua:* in *Quâ:* & *circa Quam.* Materia ex *Qua:* (scil. documenta literaria constant:) est Scriptura materialiter considerata, h. e. literarum consignatio. *L. 5. C. b. t.* quæ passim opponitur probationi-

tionibus sine consignatione. Desiderantur autem hic
 literæ, s. verba literis exarata, integra, legibilia, & intel-
 ligibilia, L. i. ff. de his, quæ in test. delent. & c. s. ea sint Latina;
 s. Græca: L. 3. C. de V. S. & L. fin. C. de Testam. tut. Et
 hodie in nostro Romano Teutonico Imperio; sive
 Latina, sive Germanica sint, utpotè quibus hisce dua-
 bus Linguis, Germanicâ & Latinâ, vel solummodò li-
 citum est uti in judiciis & in Notariorum instrumentis.
 Sicuti & in Gallia constitutum, ne alio, quàm Gallico
 idiomate per Notarios publicos conscribantur Instru-
 menta, cum antea non nisi Latine scribere solerent:
Anton. Fab. in lib. 4. C. tit. 16. definit. 13. Notanter autem
 dixi hic, *litteras integras ac legibiles* requiri, ad diffentiam
 Notarum, Signorum, figurarum abbreviaturarum, seu
 imaginum, quibus aliquid significari ac denominari
 consuevit, quæ hic loci omnimodò prohibentur *per*
autb. Quod sine. C. de Testam. ex Nov. 107. cap. 1. de promptam;
& hodie luculentius. per Constitut. Imperator. Maximil. I. de
Anno j. 5. 12. zu Eßln/ de Notar. § 19. ibi: die Notarien
sollen sich hüten/ denn ihnen wird in dieser Ordnung
verboten ihr Instrument mit so viel gekürzten dunkeln/
oder zweiffelhaften Worten/ (die dann ein Instrument
zu unnütz machen) oder auch die Zieffer/ Zeichen/ oder
notas, sonderlich die nicht gemeinlich alle bekandt seyn/
dißweil dieselben gar leicht geändert und gefälschet wer-
den mögen/ sondern mit ganzen/ gemeinen/ und läß-
lichen und bekandten Buchstaben in Lateinischer oder
teutscher Zungen/ zu schreiben &c. Per quàm facile enim
 evenire potest, ut quispiam in chirographo summam
 500. floren. mutare possit in numerum 5000. appositâ
 unicâ saltem cifra. o. in fine. Aliud exemplum refert
 Ruland *part. 2. lib. 5. cap. 36. num. 5. de Commissar. & Commiss.* de
 duabus istis oculis: Einig & Ewig: quod alter scri-

pferat mit einiger Gefängniß/ alter autem contractis
 duabus literis mit einiger n. quæ transmutatio magnas
 deindè inter litigantes dedit turbas. Nec OBSER
Lult.C.famil.ercisc. Distinguendum enim est inter jus
 prius & posterius. *Vid. Anton, Henring, cap. II. num. 145.*
de Fidejussorib.

XLIX. Haut immeritò autem hic Q. Num &
 charta *blanca*, quod vulgò *Blancetum*, Germ. *Blanquet*
 nominamus, à Gallico vocabulo: *blanc*: quod album
 sive candidum significat, appellatum, h.e. quod præter
 nomen & sigillum subscribentis ac consignantis nihil
 continet, pro verâ instrumentorum specie sit habenda?
 Et negat Wesembecius in *lib. 4.C.b.t.tb.35.* hujusmodi
 chartam accuratè loquendo veram speciem Instru-
 menti referri vel videri (1) Quia tabulæ s. chartæ, cùm
 quis subscripsit & subsignavit, vacuæ fuerunt, h.e. nihil
 scriptum in se habuere, adeoq; omninò nullæ sunt. *L.II.*
de injust. rupt. irrit. fact. testam. L.3. C. de Condict. indebit. &
Tufcb. in vocab. folium album. concl. 409. Et (2) ne detur
 aucta sive facultas, aliquid in eis scribendi præter sigil-
 lantis voluntatem, tunc enim plus valebit, quod in rei
 veritate agitur, quàm quod simulatè concipitur *L. ult.*
& t. t. C. plus valere &c. Aliud tamen videtur, cùm par-
 tes in id consenserint, vel sigillans post scripturam ra-
 tam habuerit, tunc instrumenti tenorem non ignoras-
 se, sed inspexisse & cognovisse præsumitur *arg. L.2. §.5.*
testam. animadm. aperiuntur. Eò ipso enim, quo quis hu-
 jusmodi chartam scripturæ sine contradictione rece-
 pit, vel passus est, alterius scriptione repleti chartam
 blancam à se subscriptam, suoque sigillo munitam, in
 scriptionem istam, omniaque contenta consensisse, ea-
 que approbasse censetur, patientia enim vel rati habitio
 tacitum arguit consensum. *L.28. de V.S. vid. Carpz. par. 1.*

Constitut. 17. *definit.* 42. & *Koppen.* *decis.* 46. n. 27. & *Sperdel.* in *Spec. Var. Jur. Pol. Histor. Observ.* in *lit. c. n. 25.*

L. *Materia IN QUA* (scil. documenta scribantur) olim varia fuit, ceu videre licet apud Alexand. ab Alexandro *lib. 2. cap. 30. Genial. dier.* & Polydor. Vergil. *lib. 2. cap. 8. de Invent. rer.* Sicuti & Iplum DEUM decem Præcepta sua tabulis lapideis inscripisse legimus *Exod. cap. 31. vers. ult. cum cap. 32. vers. 16. & cap. 34. vers. 1. & c.* Nihilque olim interfuit, quâ in materiâ scriptum sit testamentum, *L. 2. §. 2. testam. quem adm. aper.* sed liberrimæ ejusque voluntati relictum, cum nullibi certum quid de Jure Justinian. præscriptum inveniatur, ceu notabilis textus extat in *L. 15. C. de testam. milit.* Hodiè regulariter Scripturæ fieri vel confici solent in charta, vel in pergameno sive membrana, in momentosioribus negotiis, *cap. 4. x. de confirmat. utili.* quò longissimo sic annorum curriculo diutius perdurarent, quemadmodum, etiam in sæpè citatâ *Constit. D. Maximil. I. §. 19.* salubriter ita constitutum legitur, *verb. in Pergamenen/ und nicht Pappier x.* præprimis in Appellationibus, teste *Gail. l. observ. 119. & Mynsing. l. observ. 80. allegante præjudicium,* quòd in causâ *Partleben contra Henricum Muller* hujusmodi chartaceum instrumentum rejectum fuerit. Pariter quoque in hujus confirmationem commemoravit Nobilissimus Dn. Hahn. *ad Wesemb. parat. b. t. num. 4. in fin.* se novisse propterea Processus denegatos in causâ *N. de M. contra C. M. de anno j. 6. 47.* Qui tamen integri, exhibitò deinceps in membranâ instrumentò, decreti fuerunt. Aliud tamen dicendum videtur (1) Quando hodiè forsitan contrariâ consuetudine aliud quoque receptum foret, prout nuper observavit *Arnold. de Reyger in addit. ad Mynsing. præalleg. loco.* Vel (2) Chartaceum exhibitum à parte adversâ non impugnetur, Vel (3) ob inopiam pecu-

pecuniæ non possit comparari Pergamenum. Vel denique (4) à Notario juratum, eò loci, ubi conscriptum est instrumentum, copiam pergameni planè non haberi. *Autor. Votor. Cameral. sub rubr. Instrum. vers. 1. p. 158. & Unim. disp. 17. thes. 3. n. 13. in fin. C. I. A. tb. 6. b. t.*

Ll. *Materia CIRCA QUAM*, sive potius, *OBJECTUM circa quod* (scil. documenta literaria versantur) sunt quælibet Hominum *Licitè RES GESTÆ*, h. e. Actustam publici, quàm privati, pendentes ab hominum voluntate L. II. *C. qui pot. in pignor.* de quibus unum, plurave, arbitrariè conscribi possunt instrumentatam in ultimis voluntatibus L. 24. *C. de testam.* quàm contractibus. L. 17. *C. b. t.* Vel juxta §. ult. I. de I. N. G. & C. paulò convenientius: tam de JURIBUS PERSONARUM, v. g. Manumissione. L. *C. b. t.* servitute. L. I. §. II. *C. de Latin. libert. toll.* Emancipatione. L. II. *C. b. t.* Quàm de REBUS IRSIS: L. 5. ff. *b. t.* tam Ecclesiasticis. L. 14. *C. d. SS. Eccl. f.* quam prophanis. *cap. 9. x. b. t.* Earumque dominiis L. 8. *C. b. t.* vel possessionibus L. II. *C. eod.* Vel earum Obligationibus, h. e. Contractibus. L. 10. & L. 17. *C. b. t.* Et ACTIONIBUS, cæterisvè ACTIBUS JUDICIARIIS. L. I. pr. *C. de edend. cum cap. 1. & 2. x. de libell. oblat.* LICIT istamen, h. e. jure communi, statuto, honestisvè moribus non prohibitis. Ea enim, quæ pietatem, lædunt atque honestatem, & contra bonos mores fiunt, nec facere nos posse credendum est, ait Papinianus in L. 15. *de Condit. institut.* nedum, ut super istis scripturæ fiant. Et aliàs constat ex jure, rerum inhonestarum prorsus nullam obligationem esse. L. 37. *pro socio.* L. 26. *de V. O. L. 6. C. de pact.* L. 5. & 8. *C. de LL. & alibi passim. Constitut. Maximil. I. in §. 15. ita exprimit: Daß die Handlung/ darüber ein Instrument gefertigt werden soll/ in Rechten und jedes Orts Statuten/ Ordnungen und Gewohnheiten/ Zulässig/ nicht verboten 2c.*

In specie autem jure communi prohibentur Notarii conficere instrumenta super alienationibus rerum Ecclesiasticarum. L. 14. §. 3. C. de SS. Ecclef. super liberis venditis L. 2. C. de Patrib. qui liber. distrax. Eunuchis &c. L. 2. C. de Eunuch. Item: Contractibus usuariis, aliisque pactionibus illicitis, v. g. de rebus litigiosis, L. fin. C. de litigiosis. de injuriis & famosis libellis. L. unic. C. de famos. libell. & R. 1. de anno 1548. 62. & 70. Et hodiè super Artificum reprobis pactionibus, v. g. Ne opus ab altero cœptum alter perficiat, daß/ was einer zugeschnitten/ der ander nicht ausmachen solle. *argum.* L. 12. §. 18. C. de edific. privat. & t. r. C. de illicit. colleg. cum L. un. C. de Monopol. Confer pluribus Dn. Moller, lib. 2. Semestr. cap. 15. præcipuè autem Nobilissim. Dn. Ahasverum. Fritschium, Consiliarium Linea Rudolphopolitana Schwarzburgicum dignissimum, Fautorem atque Affinem meum longè honoratissimum, in pereleganti-Suo nuper eruditè conscripto Tractatu de Monopolis, ubi multa hac de re, cognitione digna edisserit.

LII. Q. Utrum super Delictis etiam recte conficiantur instrumenta? Et rectè negatur à Bachov. in Notis ad Wesemb. de fid. instrum. num. 4. lit. O. tùm propter rationem generalem istam in præced. tb. allegatam; tùm propter specialem quoque ab iplomēt cit. loc. adductam; nempe quod tunc, cùm super actû à tertio commissio instrumentum conficeretur, fieret saltem *μενοπλῆως*, & sic præter metum falsi, quod perquam facile hic posset committi, perinde foret, ac si Notarius pro teste se gereret; quo casu sanè haut pluris, ac cæteri testes, probaret; velut etiam alias neminem facile fore arbitror, qui ad probandum delictum à se commitendum Notarium advocaverit. Alia tamen longè diversa *Questio* est: An Delicta per Scripturas privatas possint probari? Et placet cum Nominatissimo Dn.

Cancellario TABORE; qui unus mihi instat exemplum
 est, in *Racemius, suis Desinit, Criminali, de priuilegiis, de testib. ab. p.*
 Affirmativam tueri. Nam quæ Crimina scripturâ ipsâ
 perpetrantur, illa hanc dubie quoque per scripturam
 validissime probantur, siue DIRECTE literis ac scripturâ
 committantur & immediate; ut crimen falsi, Hære-
 ses, Conjuracionis, L. 6. ff. G. L. 23. G. ad L. Cornel. de
 Falsis. prout Catilinæ & Ascleclorum Conjuratio quo-
 que, literis ad vigilantiâ Ciceronis interceptis, detecta
 sunt. Item Libelli fatiosi ad infamiam alicuius con-
 scripti & divulgati, vulgum Pasquill. Schond. und
 Schmid. Rartem L. 5. §. 9. & 10. & L. 15. §. 20. de injuriis
 cum L. unie. G. de famof. libell. Literæ diffidatoris, Be-
 sehde. und Absuge. Bricffe. Consuet. Elect. Aug. part. 2.
 cap. 10. & 11. Siue IN DIRECTE ac mediate; ut Perju-
 rium, exp. ult. de jur. jur. in ord. Adulterium; v. g. ex li-
 teris nempe Amasii ad Uxorem alterius; aut ab eâ sit-
 per adulterio commissio ad istum exaratis. Homici-
 dium, ex mandato in scriptis dato; & alia Illicitæ pa-
 ctiones scriptis comprehensæ L. 2. C. quor. appellat. non
 recipi. Quot referendæ etiam censentur literæ, sive unde
 bullis exarata, quæ plerumque pariter vel eusti Dæ-
 monis; vel alias detestabiles pactiones ac conjurationes
 argunt, prout passim in Historiis testis experientia est. Vid.
 L. 1. N. v. l. 1. Blandi. in Labec. Francor. disp. de sagis. part. 2.
 tit. 1. Nec OBSTAT L. 3. §. 2. de Testib. Cum testimonio
 illud denotat (1.) vel scriptas saltem testimonio deposicio-
 nes, quas gratis in iudicio proferre solet; qui testibus
 rem probare debet, sed ipsos potius testes in iudicio in-
 terrogandos producere tenetur. Vel (2.) talia testi-
 monia tralatitia & popularia dicta, quæ cum or in-
 certis spargit ac circumfert, adeoque non attendenda
 L. 12. §. 1. C. de Testib. Minime autem instrumenta, prout con-

L. 15. C. b. t. C. de ult. C. de probat. adeo, ut Pacianus eo-
rum opinionem, qui arbitrantur, delicta instrumentis
non probari, dampnare non veritus sit. Latè hâc de re
A. Matth. ad lib. 48. ff. tit. 5. cap. 5.

LIII. FORMAM literariorum Documentorum
quod attinet, duplicem hâc in præfenti negotio cum DD.
nos constituimus: unam nempe CONFICIENDORUM;
& alteram PRODUCENDORUM eorundem. Et quidem
utâ literarum documentis SIMPLICITER & NAT. & EX
PUBLIS, de quibus supra in ch. 16. & 17. partim actum est,
exordiantur, breviter illam dicimus consistere: (1) in
inscriptione Nominis ac titulorum Imperatoris, Prin-
cipis, seu alterius Magistratus superioris, ut videtur hâc
ex L. 2. C. de SS. & Eccl. L. ult. C. de Summa Trinit. cum usi-
tatô hodiè illô pio non minùs, ac honorifico elogio:
Nos Dei Gratiâ: Wir von Gottes Gnaden &c. statim in
frontispicio collocatô; ad significandum, quod vel su-
periores, præter Deum & enssem, planè non recogno-
scant, sed quod immediatè à Deo, & non ab homine,
habeant Imperium; Vel quod superiores agnoscant,
adeoque sic mediatè ab Imperatore quidem, sed Altis-
simi tamen beneficiô, Regimen nacti sint & exercèant.
Videatur Nobiliss. atque Consultiss. Dn. D. Euben, Fantor atq.
Promotor meus omni honoris cultu perpetui colendus, in Dis-
sercat. super brâc ardicum istud juris publici: Tantum possunt
Electores, Principes &c. in suis territoriis, quantum Impera-
tor in Imperio. (2) in facti ac negotiî tenorè juxta mô-
rem ac stylum curiæ verbis perspicuis conscripto. (3) in
Loco & temporis, nempe Anni Mensis, & diei designa-
tione. (4) Subscriptione, L. 3. C. de divers. Rescript.
cum L. 1. §. 1. ff. de Constit. Principi cum adnotatione,
hodiè in Aulicô judicio Viennensi, & Camera Spirensi,
Vice-Cancellarii & Secretarii, sive Proto-notarii, cum

olius: Ad Mandatum S. C. M. proprium &c. ut sic in Privilegiis rebusque arduis eò magis & certius de fide scripturæ constet *argum. Auth. Gloriosissimi. ex Novell. 114. cap. 1. in fin. de prompta, C. de divers. Rescript.* Et denique (5) majoris muniminis ac asssecurationis ergò, in Sigilli Principis impressione ac appensione; Quà vel solâ interdum, pro consuetudine ac observantiâ, documentis literariis fides conciliari solet; *cum hac clausula*: Dessen zu Uhrkundt ist dieses mit unsern größern/ oder kleinern Sangelen, Stadt oder Gerichts Inseigel bekräftiget ic. Vel: Dessen zu Urkundt haben wir unser Raths Inseigel angehendt und aufgedruckt. Confer Reformat. Norinberg. tit. von Uhrkunden unter zweyer / des kleinen oder grossen Raths Inseigeln. & Wittemberg. Landt Recht. tit. von schriftlichen Uhrkunden besiegelter Brieffe. ic.

LIV. Illa autem literaria documenta, quæ apud Acta, vel coram iudice fiunt, quamvis nullam, *resc. Wesemb. num. 5. b. t. & C. 1. A. 1b. 10. cod. tit.* scrupulosam desiderare videantur solennitatem, ceu quam iudicis præsentia iudiciiue autoritas supplere censetur per L. 19. & 27. ubi luculenter innuitur, Acta huiusmodi habere vim testium, quorum multitudo in iudicio semper præsumitur adesse d. L. 19. d. t. adeò, ut meritò superfluum dicatur privatum testimonium, ubi publica adsunt monumenta. L. 5. C. de donat. Nihilominus tamen præter hæc enunciata amplius volunt ac requirunt nonnulli, sin omnino plenissimam vim præbandi Acta obtinere debeant, (1) ut parte adversâ citatâ ac præsentè, (2) coram iudice ac Assessoribus, (3) instantiâ alterius partis, ut appareat, cujus ad instantiam actus celebretur, (4) ab Officiali publico ritè ac decenter sint conscripta, cum adsignatione (5) Loci &

temporis, Anni nimirum, Mensis & diei, *per cap. 11. x. de probat.* Et hanc opinionem fovent Beust, *ad d. L. admonendi. de jur. jur. n. 18. & seqq.* Gilhaus, *in Arb. jud. civ. cap. 6. part. 3. num. 17.* & alii plures. De Archivalibus quoque scripturis, ut plenum effectum probandi con-
sequantur, variè DD. in eorundem requisitorum enumeratione variant, prout præ cæteris apud Rutg. Rulant, *part. 2. lib. 5. cap. 8. de Commissar. & commiss.* videre licet, qui positis septem, accuratè examinat, quantum convenient Statui nostro Germanico. Idem præstat Nobiliss. & Consultiss. Dn. D. Fritschius *in supra citat. suo tract. de jure Archiv. cap. 7.* ad quos benevolam quoque Lectorem brevitatis studiò remissum volo..

LV. Circa NOTARIORUM autem Instrumentorum conficiendorum Formam sciendum, quòd illa rursus duplex constituatur; *Extrinfeca*, & *Intrinfeca*. *Extrinfecam* communiter DD. volunt consistere (1) in Personæ Notarii habilitate, *de qua supra à tb. 39. usque ad 45. fusius dictum.* (2) in facti commissione; h. e. ut Notarius ad conficiendum instrumentum specialiter vel à iudice, aut superiore iussus; *c. pen. x. b. r.* vel à partibus in communi negotio, rogatus sit; daß Er hierzu insonderheit requirirt und erbeten sey. *vid. Constit. Maximil.* (3) in Rei, sive causæ ac Negotii cognitione, h. e. ut Notarius intelligat, quid inter partes agatur. *confer. d. tb. 39. num. 4.* (4) in juris permissione; h. e. ut instrumentum conficiendum scribatur super re licitâ, nec jure prohibitâ, *ceu diximus in tb. 51.* & denique (5) in prælectione & explicatione instrumenti confecti, sive; ut Notarius contenta exarati instrumenti prælegat atque explicet, *juxta d. Const. Maximil. 1.*

LVI. *Intrinfecam* autem: (1) in invocatione Nominis Divini, v. g. I. N. D. N. I. C. quæ clausula Impera-

cori nostro Justiniano gloriosiss. memorie admodum
 usitata fuit, *ccu videtur est in pr. l. & ff. juncta Nov. 17. 48. 176.*
& passim. Vel ex jure Canonico: In Nomine Dei Patris,
 Filii, & Spiritus Sancti: *& c. l. a. distinct. 73. vulgò: Im*
Nahmen der Heiligen Hochgelobten Dreyfaltigkeit
& c. (2) in adjectione Annis sanctissimè nominatis salva-
 toris nostri Nati ac incarnati, ut sic certò constare
 queat, quò tempore sit factum. (3) in commemora-
 tione Nominis & Regiminis Imperatoris Regnantis,
 & currentis indictionis, de cujus modo computandi
 interveniendi, & quis eandem induxerit, &c. Vide post
 Treutl. *vol. 2. disp. 5. tit. 3. ibique Bacher. Christoph.*
Schvvanman. de Different. jur. civ. & numeral. diff. 4.
mon. 12. & seqq. & Wehner. Obs. Pract. in voc. Römer
Jahrszahl (4) in temporis designatione, nempe Mensis,
 diei, ac si fieri potest, etiam horæ, in quâ Tabellio roga-
 tus, ac res gesta est, non quâ instrumentum conse-
 ctum. (5) in Loci descriptione, tum in genere, tum in
 specie: in genere, denominando Urbem, Oppidum,
 vel pagum, in quo contractus sive actus celebratur; in
 specie: in quò scil. locò civitatis, v. g. plateâ, domo,
 condavio &c. (6) in sincera totius rei gestæ recensione,
 eâque verbis, quantum fieri potest, maxime perspicuis,
 videlicet quis? quid? quantum? & ex qua causâ, aliqui
 debeat, & quæ pro diversitate materiæ sunt circum-
 stantiæ aliæ. (7) in Testium rogatorum Nominis &
 cognominis expressione, prout natura contractus vel
 actus, qui geritur, requirit, (8) in ipsius Notarii No-
 minis & cognominis sui subsignatione, sive subscrip-
 tione, factâ insinuat mentione, cujus Autoritate sit Nota-
 rius, cujusvè mandato ac rogatu instrumentum hoc
 sit conscriptum. Et denique (9) in ejusdem peculia-
 ris sui Notariatus sigilli appositione, &c. *Vid. sup. in*
acte-

benedictus etc. Constitus. Maximus. 13. Ordine. am. par. 1. 2.
 tit. 39. § 1.

LVII. Hanc incommode autem hic Q. Num. in-
 strumenta huiusmodi, etiam Testes in iis adhibiti, sub-
 scribere debeant? Communiter, DD. (referens 14. semb.
 in parat. ibique Hahn. num. 5. b. c.) in Negativam qua-
 stionis huius descendunt sententiam. Accursius autem
 in L. 2. C. de tabular. Gothofred. in Nov. 73. cap. 5. & post
 eum Bachov. in annotat. ad 14. semb. parat. d. num. 5. b. c.
 sit. R. 5. ad Treut. d. disp. 5. ibi. lit. G. propter L. 21. in fin.
 pr. C. de Test. L. 23. pr. 5. §. fin. C. ad Scdm. Vellejan. acriter
 affirmativam contendunt. Nos breviter cum praelau-
 dato Magnifico Dn. Cancellario TABORE in Tr. de
 Testam. Principiis uti. Com. Oblatoi disp. 6. vb. 9. Distinguen-
 dum censuimus inter id, quod adesse debet, ac de neces-
 sitate requiritur; & illud, quod adesse convenit, vel
 utiliter adhiberi potest, ut aerior fides, ac cautela ne-
 gatio edocilletur; arg. L. 1. Q. quomodo 5. q. 1. iud. 5. c.
 cum alias superflua cautio nocere solet. L. 1. C. de
 Testam.

LVIII. Privatam autem Scripturarum Formam
 considerandam, quod spectat, cum de singulis earundem
 speciebus propter multitudinem peculiacter differere
 iustitiae nostri ratio jam non permittat, in Genere di-
 cimus; nam in hisce subsequenibus necessariis requisi-
 tis consistere: (1) ut quodlibet *Chirographum* contineat
 nomina & cognomina contrahentium; (2) Res; de
 quibus disponitur; v. g. Matrimonium, Mutuum, &c.
 (3) Jus earundem, ut & causam debendiant liberandi.
 L. 2. in fin. C. de Novat. L. 25. §. fin. de probat. L. 13. C. de
 Mun. P. (4) subscriptiones & designationes partium
 ut L. 1. C. de Test. ut & testium, si eorum praesentiam opus
 habuerit. L. 1. C. de Test. §. 1. C. 2. Quocumque de ut pri-
 mum

mum privata hujusmodi documenta publicis assimulantur. L. II. C. qui pot. in pignorib. L. fin. C. cum Auth. de R. C. Et (5) diem & annum, præcipue in libris rationum, & ubi tempus esset de substantiâ probationis, quoad effectum prolationis in hypothecis *per vulgatam regul.* Qui prior tempore, potior quoque jure. Vid. Negulant. de Pignorib. part. 5. membr. 2. num. 11. Et 47. Cæteræ autem solennitates ac Formulæ cum suis clausulis & cautelis hujusmodi privatarum scripturarum, partim ex suis titulis ac fontibus; partim ex Autoribus, quos Jacob Bornit. part. 1. lib. 1. cap. 14. Et cap. 31. cum seqq. lib. 2. de Instrum. remissivè citavit, hauriendæ ac petendæ erunt. Confer. tb. 51.

LIX. Et tantum de Literariorum Documentorum Formâ conficiendorum, sequitur nunc porro eorundem FORMA PRODUCENDORUM; circa quam in Generale tenendum, quòd ILLA regulariter, instar cæterarum probationum judicialium, post litem contestatam in termino probatorio usque ad causæ conclusionem, in Originali, s. formâ Authentica, juxta juris præscriptum ac styli observantiam, producenda sint in judicio. Vid. Wesemb. parat. b. 1. num. 5. Umm. disp. 17. tb. 7. num. 28. & Gail. 4. observ. 105. num. 4. Quibus addo & Nobilissimum Dn. Struvium in Exercit. 28. tb. 37. adeò, ut, licet vel maximè ante litem contestatam producta fuissent, tamen vix quicquam probent, nisi in termino probatorio, lite jam contestatâ, denuò in vim probandi reproducerentur. Mynsing. 2. observ. 53. & Carpzov. 1. constit. 17. def. 9. Non tamen inde propterea concludendum, ac si ante litem contestatam planè nulla documenta exhiberi ac produci posse, statuere velimus, Nequaquam! Fallere enim superiorem Regulam dicimus: (1) in iis, quæ ad personam legitimandam pertinent.

tenant, *arg. L. 9. de his, qui accusare non poss.* (2) in documentis, quorum editio petitur, utriquelitiganti communibus. *c. 12. & ibi Mynsing. num. 4. x. de fid. instrum.* (3) in iis, quorum in libello facta est mentio, Actorque se ad illa retulit. Vel (4) si Actor forsan singulari in jure, juri communi prorsus incognito, sese fundaverit. *Frid. Mindan. lib. 2. cap. 48. num. 2. in fin. de Process. extrah.* Et quæ denique plures sunt hujus Regulæ limitationes ac fallentiæ, quas in *C. I. A. lib. 11. b. 1. & apud d. Mynsing. ad d. cap. 1. n. 12. & 5. Obs. 94.* congestas videre licet. Hodie juxta novissimum Imperii Recessum de Anno 1654. §. *Ben neben bleibet einem jedem x.* Actor documenta sua, quibus intentionem suam probare annititur, statim unâ cum libello vel supplicatione offert in copiâ, ut ita Reus eò melius se informare possit, num contendere velit, nec ne? Quæ deinde in primò termino post litis contestationem, loco probationis reproducit, petens, ut recognoscantur, si opus fuerit. Sic & *de jure Saxonico* constitutum, ut intra terminum probatorium documenta producantur saltem in copia, si non in Originali; sub pœna præclusionis, attestante *Carpzov. 1. const. 17. q. 1. 2. & 3. & Hartm. Pistor. observat. 183. num. 4.*

LX. Post conclusionem vero causæ, nulla amplius regulariter admittenda videtur productio documentorum. Nisi (1) illa post conclusionem demùm noviter reperta sint, & producens nullam in perquirendis iis ante conclusionem admisit negligentiam, forsan quod probabiliter ea ignoraverit, quod juramento firmari debet; *Mynsing. 2. Observ. 53.* Vel (2) Judex ex officio procedat: *cap. 5. x. de caus. possess. & propriat.* Vel (3) Pia ac summaria sit causa: *per traditâ Mynsing. 3. observ. 17. num. 3. & 12. & 6. observ. 56. n. 12.* Vel (4) criminalis, in quâ non concluditur, quin semper

H
usque

usque ad sententiam possit detegi innocentia accusati L. 27. *pr. de pœnis* & Gail. 1. *observ.* 107. *num.* 11. Vel (5) causa appellationis L. 4. *C. de temporib. & reparat. Appellat.* & quæ sunt aliæ limitationes. Multo minus post Rem judicatam, noviter reperta instrumenta admittentur in causis privatis, ad retractandum judicis effatum *per L. 27. ff. & L. 4. C. de Re judic. & t. t. C. sententiam rescindi non poss. cum L. 29. §. pen. ff. mandati, ubi elegans hac de re extat exemplum.* Secus est in causis ac negotiis publicis, præcedente causa cognitione, propter favorem publicum, *per L. 35. de Re judic. & L. 31. de jur. jur.* id quod ex casus similitudine etiã ad Ecclesias, collegia, minores, eorumque res extendi consuevit, prout disputavit Treutl. *vol. 2. disp. 5. 23. th. 5. lit. D. ibique Bachov. & Mynsing. 4. obs. 60.*

LXI. Sedulo autem caveat Actor, vel Reus, ne hujusmodi documenta literaria producat, quæ ex parte sibi metipsum contrarientur, & parti adversæ multa. m. juvare queant; sed quilibet prius eadem probè examinet, trutinnet, & excuriat, an pro se, vel contra se, militent ac faciant, nec sic deinde propriis nexibus illigatus cum *Nasone* cantillare necesse habeat: *Non potior totis vulnera facta meis!* Producendo enim Instrumenta, cuncta quis videtur in iis fateri contenta vera esse, imo scripturæ semel in judicio prolatae, utrique litigantium communes fieri censentur, *juxta Dd. notata ad L. 3. & Auth. adhuc. C. b. t.* adeo, ut producens deinde in præjudicium Adversarii poenitere nequeat, quo minus & ipse iis uti non possit ac debeat, per rationem, quod quisque juris in alium statuerit, eo ipso quoque ut utatur, necesse est *Vid. t. t. quod quisque jur. & c.* Et hanc sententiam in Gallia quoque obtinere attestatur Guid. Pap. *decis 243.* Quam tamen nos hanc aliter procedere opi-

epinamur, quam si (1) documentum ab adversario statim utiliter fuerit acceptatum, vel nihil adversus istud regeſtum. (2) Ab ipſo Principali productum. Et (3) de iis probandis agatur, quæ aſſertivè ac diſpoſitivè; non vero, quæ enunciativè in eò poſita ſunt. Falſere autem (1) cùm inſtrumentum falſum, vel nullum redargueretur; aut (2) plura capitula haberet; aut (3) producens ſolenniter proteſtatus fuerit, ſe non aliter, nec alio modo, niſi in partibus ac capitulis pro ſe tantum facientibus, admiſſurum. Quæ cautio ſive, proteſtatio, quid, & quomodo proſit, acerrimè inter Dd. diſceptatur, *prout videre eſt apud Gilken, ad L. 14. C. b. t.* In forò tamen receptam eſſe, teſtatur Joh. Petr. de Ferrar. in *Prax. ſua Papienſ. tit. 15. de form. produc. inſtrum.* & poſt eum, Magnif. Dn. Carpz. 1. *Conſtit. 17. de ſin. 7. & 8.*

LXII. Cæterum quoad *Editionem*, Aëtor quidem, *ut ſupra b. 59. obiter etiam monuimus*, omnia inſtrumenta, quibus uſurus eſt. *L. 1. §. 3. de Edend.* Reo petenti ad probandam exceptionem ſuam regulariter edere tenetur. *per L. 4. 5. 6. & ſin. C. d. tit.* Quod in Reo ſecùs videtur *per d. L. 4. 5. d. t.* Exceptis (1) documentis communibus. *cap. 12. x. b. t.* (2) Rationibus. *L. 1. C. de Edend.* (3) Quando Aëtor docet de intereſſe ſuo, de quo iudice ſummarie conſtare debet. *L. 3. §. 9. ad exhibend.* (4) Procuratore Fiſci, propter favorem ejus. *L. 45. §. 4. de jur. fiſc.* & quæ ſunt reliquæ exceptiones. Non quidem in originali, quod reſtituitur, ſed, *ut diximus ſupra*, in copia. quæ tranſcribitur per actuarium, aut alios ad id ſpecialiter deputatos, & quidem vel quoad omnia inſtrumenti contenta, quando id non de unò ſaltem negotio traëter; *arg. L. 1. §. 3. & 4. de Edend.* Vel quoad unum & alterum capitulum ſaltem, quod in quaſtione eſt, *argum. L. 3. & L. 10. §. 2. eod. junct. cap. 5. x. b. t. attamen*

men sine die & consule. *L. 1. §. 2. d. 1. Nisi sint Rationes, vel instrumentum falsi arguatur §. 12. circa fin. 1. de inutilib. stipul.*

LXIII. Et quoniam Literarum documentis, præcipuè autem privatis, (utpotè quæ communi de jure vel solæ recognosci solent per *L. 10. C. b. t. & Auth. Si quis vult cautè. C. qui potior. in pign.* cum publica per se plenam fidem faciant; *cap. 8. x. b. t. & L. 11. C. qui pot. in pign.* quod tamen secus est de jure Saxonico. *Teste Magnif. Dn. Carpzov. I. Constit. 17. de fin. 20.*) ob falsi metum, adversus aliquem productis, antequam debitò modò eadem ab adversario recognita fuerint, parùm, vel omninò nihil fidei inesse liquet; idcirco nec alienum ab instituto nostro arbitramur, si paucula quædam, eaque scitu saltem necessaria, hic in ordine quoque de RECOGNITIONE attexamus. *Recognoscere autem h. I. secundum L. 56. de V. S. & L. 15. §. ult. de Reb. autor. judic. possid.* nihil aliud denotat, quàm relegere & cognoscere, h. e. contenta in scripturâ productâ legere, & sigilla inspicere, & sic veritatem agnoscere; ita, ut RECOGNITIO describi possit, quod sit quasi debitoris, ejusve, contra quem producitur scriptura, confessio omnium contentorum. Et est duplex: EXPRESSA; vel TACITA: EXPRESSA iterum vel *Propria*; vel *Alicna*. *Propria*, quæ iterum fit vel in persona propria; vel delegata; hoc est in persona Procuratoris, vel Mandatarii sui, *juxta vulgatam juris Regulam*: Quod quis per alium facit, per semetipsum fecisse intelligitur. *cap. 72. de R. I. in 6to.* Modò speciale ad hoc sibi concessum mandatum exhibendum habeat, cum recognitio sit res non parvi præjudicii, factâ enim recognitione, plerumque executivè proceditur. *arg. L. 25. §. ult. ad L. Aquil. vid. Dan. Moller. 4. Sem, 43, n. 3.* Secus tamen ob-

obtinere videtur in DIFFENSIONE, ubi ipse Dominus, vel Mulier, juramentô suô producta documenta diffiteatur, requiritur per *L. 12. § 4. C. de R. C. & Anton. Fab. in Cod. lib. 4. tit. 1. de fin. 31. Et Carpz. 1. Const. 17. def. 12. Aliena*, quæ fit per testes; nam & ii in scriptura adhibiti manus suas & sigilla recognoscere tenentur, faterique, se præsentés adfuisse, scriptumque vidisse, & quidem mediante præstitô juramentô, cum aliàs iis absque juramento regulariter nulla haberi soleat fides, per *L. 9. C. de Test. & cap. 5. & 51. X. eod.* Id quod tamen in ipsa principali parte, recognoscete in propriâ persona, scripturam suam, ab adversario productam, tam præcise requiri non videtur, sed vel simplicem quoque istius assertionem, vel confessionem adversus seipsum factam, iustificare. *L. 25. §. ult. de prob. & L. 1. cum A. de confess.* Negante autem, vel diffidente, suam scripturam esse, aliter ipsi fides non habetur, quàm si juraverit, alias enim vel facillimè quivis instrumenta adversus se producta declinare posset. Et huic sententiæ consentit etiam Jus SAXONICUM, prout refert *Carpz. 1. const. 17. def. 12.* TACITA autem ea est, quæ fit præsumptivè, quando quis ex contumaciâ documenta, contra se producta nec recognoscere, nec juratô diffiteri velit; quò casû ad preces adversarii, contumacis scriptura pro confessâ & recognita habetur à iudice, vid. *Gail. 1. obs. 80. num. 6. & de P. P. cap. 15. n. 14. & 15. cum Myns. 3. obs. 52.* Quò accedit, quòd & per mortem quoque tacita recognitio præsumatur, docente *Alex. Trent. 2. Resol. 12.* Item: propter vetustatem antiquæ scripturæ, ac sigilli, prout videre est apud sepius cit. *Rutg. Rul. d. tr. 2. lib. 5. cap. 39. n. 20. & 21.*

LXIV. Ut autem RECOGNITIO plenam probandi vim consequatur, Doctores communiter hæc sub-

sequentia requisita necessaria exigere videntur. (1) Ut citatio ad illam faciendam emittatur, (2) Ut coram iudice competente, vel ejus delegato; & (3) regulariter in iudicio fiat, & quidem (4) in continenti, vel ad proximam, & quidem sub comminatione recognitionum; Id quod tamen quoad Personas Illustres ac Egregias, It: quoad Senes, Mulieres, ac Valetudinarios limitatum vult Magnif. Dn. Carpz. 1. C. 17. def. 17. cum plerumque iudicii Notarius ad ædes harum ac similium personarum mitti soleat, coram quo documenta sua b. f. recognoscunt. (5) Ut Scriptura, quæ recognosci debet, non sit irrelevans, vel prorsus incognita, & quidem vel propter mortem ac absentiam scribentis, aut testium; vel quod penitus careat scribentis nomine ac sigillo, ita, ut cujus nomine exarata sit, omnino non appareat. vid. Carpz. d. C. 17. def. 17. Secus tamen *juxta Eundem def. 21. & 22.* dicendum est, ubi vel minima cognitio alicujus manus, vel Sigilli (contrahentis nomen exprimentis) appositi Scripturæ, haberi potest, licet ea manû sigillantis sit nec scripta; nec subscripta. *Confer præcit. Viri Responsor. 79.* (6) Ut recognitio fiat bona fide, ita, ut debitor inspectis ac perlectis literis dicat, se recognoscere easdem non modo pro sua manu atque sigillo; sed & pro sua obligatione, h. e. quod istas bona suâ voluntate, causaque obligationis, ut debitor, scripserit, vel subscripserit, ac subsignaverit. Et denique (7) ut nolens recognoscere scripturam, præstet juramentum, se manus & sigilli præsentis notitiam non habere; sive sit Principalis; sive Testes utpote quia alias indifferenter jurare coguntur, sive agnoscant, sive diffiteantur instrumenta ac sigilla; eaque sive sint sua, sive aliena. Vid. *Rut. d. tr. lib. 5. c. 39. n. 24. & 25. Matth. Coler. part. 3. cap. 1. n. 104, 108, 123. & seqq. de Proc. Execut.*

LXV. Et tantum quoque de RECOGNITIONE, quæ fit confessione tum ipsius Principalis; tum testium; tanquam ordinario Remedio. Cum verò eveniat quandoque, ut nec recognitioni, nec juratæ diffessioni locus sit; ideoque, ne statim eo in casu, scripturâ negatâ, omnis quoque fides denegetur, in summum producentis præjudicium Dd. non immeritò huic *Ordinario* aliud *Extraordinarium* seu *Subsidiarium* Remedium substituisse videntur, nempe COMPARATIONEM *Litærarum*, quæ licet in, ac per se, satis debile & fallax præbeat iudicium, cum permulti reperiantur, qui tam artificiose, tamque exactè, ut *Zaf. lib. 2. singul. Responsor. 21. in fin. de Monacho quodam Augustino exemplum refert*, in pingendis literis, alterius manum seu ductum literarum imitari callent, ut quis juraret, unam eandemque scripturam esse; attamen junctis aliis adminiculis, cum mox laudato Dn. Carpzov. *d. l. defin. 15. § 3. Responsor. 84. tit. 8.* non dubitamus, quin, ubi per omnia concordans literarum ac sigillorum reperitur similitudo, in subsidium aliarum deficientium probationum, in civilibus, contra negantem, plenam faciat fidem; præsertim, cum ex scriptura, quæ velex Archivo publico deprompta, vel tribus testibus subscripta, vel ab ipsomet Reo convento indubitato exarata fuerit; comparatio ad productam instituitur, per *L. 20. C. b. t. § ibi Sichard. n. 9. § 10.* Et hujusmodi *comparatio* literarum non nisi ad petitionem partis conceditur, ante omnia tamen priùs jurantis de calumnia, & dolo: (1) se nec lucri, nec inimicitia, nec ulla alia de causa petere hanc *comparationem*, quam quod verum putet &c. (2) Se cæteris aliis probationibus destitutum tandem ad hoc subsidium venire. Et (3) se in neutro documento, neque *ex quò;* neque *ad quod,* *comparationem* fieri postulat, quicquam

quam machinatum fuisse &c. *per d. L. 20. C. d. t. & Nov. 73. c. 7. pr. & §. ult.* Pluribus hac de materia consule, *Rul. p. 2. l. 5. cap. 38. per tot. de Commissar. & Commiss. & C. I. A. 16. 14. h. t.*

LXVI. Supereft jam ex cæteris hætenus evolutis caufis delibanda adhuc in ordine ultima, nempe CAUSA FINALIS, quæ duplex eft: PRINCIPALIS five *Primaria*; MINUS PRINCIPALIS five *ſcundaria*. PRINCIPALEM dicimus, ipſam FACILITATEM probationis. Vix enim Scripturæ, utpotè quæ diuturnitate ſua omnis ferè generis probationes ſuperant, ſemperque loqui præſumuntur, alium in finem, quàm ut rerum geſtarum veritas ac probatio ſemper in promptu habeatur ac conſervetur, confici ſolent, *per L. 4. ff. & C. b. t. & L. 2. de prob. L. 29. C. de teſtam. cum cap. 43. X. de Teſt.* NEC OBSTAT *L. 15. C. ſid. inſtrum.* Ubi eadem probandi vis teſtibus, atque inſtrumentis, aſſeritur; Diftinguendum enim putamus inter Modum, & Effectum probationis, ita ut de Effectu ſaltem probationis in contrarium allegata *L. 15. C. d. t.* accipienda veniat; non autem etiam de Modo, utpote qui ab Effectu multum differt; In Inſtrumentali enim probatione, eſt ſummarius, celerisque expeditionis; ita ut probata per inſtrumenta publica & privata confeſſata, ſtatim pro liquidis habeantur, adeoque executioni mandanda; Quod tamen ſecùs eſſe videtur in probat. per teſtes. *conf. Fibig. in proceſſ. ſuo ſumm. pag. m. 71. n. 4.* MINUS PRINCIPALEM five *ſubordinatam*, & ex prima quaſi resultantem, putamus conſiſtere in VALIDITATE ac SOLENNITATE Actûs, quæ eſt ipſa ſcriptura, ſine quâ aliàs inefficax foret; Et huiusmodi eſt Reſcriptum & Mandatum Principis, five in vim privilegii, five alia ex cauſa emanaverit, *per L. 3. C. de div. Reſcript. & L. 3. C. de*

de Mandat. Princip. Item Epistalima, *b. e.* commissio Principis per mandati subscriptionem facta. *L. 3. C. de quadriem. prescript.* & Gesta, quæ propriè scripto constare debent, ut sunt (1) omnia fere Acta judicialia, videl. libelli civiles, & criminales, *Autb. offeratur. C. de lit. contest.* Sententia. *c. 8. Caus. 2. qu. 1.* Appellationes *L. 6. §. pen. C. de Appell.* & quæ sunt alia. (2) Contractus Libellarii, in quibus specialiter Lex Scripturam pro formâ requirit, ut: in rerum Ecclesiasticarum venditione, *c. 52. Caus. 12. q. 2.* earumque perpetuâ Emphyteusi. *Nov. 7. cum L. 1. C. de jur. Emphyt.* It. in Adoptionib. *L. alt. C. de Adopt.* Emancipationib. *L. 2. §. pen. C. de Emanc.* & quam plurib. aliis. *L. 17. C. b. i. §. L. 13. C. de N. N. P. §. d. constit. Maximil. I. de Notariis. §. 11.* Et (3) Testamenta in scriptis celebrata, quibus scriptura pro forma attribuitur *L. 8. C. de Testam.* Item: Inventarium, in quo res pupilli descriptæ sunt. *L. fin. C. arbiter. tutel.* Pluribus vid. *Barbof. locuplet. lib. 17. cap. 13. Axiom. 4.*

LXVII. Perlustratis autem sic hætenus documentorum causis, tum Internis; tum Externis, restat nunc tandem, ut breviter, quantum modò fieri potest, Eorundem quoque EFFECTUM evolvamur. Quem duplicem constituimus; PRIMUM; & ORTUM. PRIMUM consistere opinamur in PROBATIONE LITERALI, ita ut cujuslibet literarii documenti juxta suam formam confecti, sit, & solius, fidem scripturâ facere *L. 2. L. 4. ff. b. i. §. L. 19. C. de transact. junct. Gail. 1. obs. 106. n. 5.*

LXVIII. Et quidem respectu MERE ac *κατ' ἐξοχήν* PUBLICORUM Documentorū dicimus; ILLA, sive sint insinuata, sive apud Acta facta, aut sigillata; aut ex Archivo publico deprompta, PER SE, absq; ullo alio adminiculo, inconcussam & perpetuam firmitatem obtinere dicuntur, *L. 30. §. 31. C. de don. L. fin. C. de Re judic. §. L. 19. C.*

de Testam. ita ut Doctoribus sint probationes probatæ, non probandæ &c. Quod enim hoc modo constat, evidenter constat, imò evidentissimè, per cap. 9. X. de probat. adeo, ut nec recognitione (modò inspectio quædam, aliqualisve examinatio præcesserit L. fin. C. de Edict. Div. Hadr. toll.) ne fori disceptatione opus habeat. Unde etiam est, quod nec testibus reprobari possint; sunt enim his potiora, per L. 10. de probat. multo minùs aliis instrumentis privatis, vel etiam secundum quid publicis. vid. Treutl. d. l. th. 5. lit. C. Id quod tamen (1) quoad verba assertiva ac dispositiva saltem; non verò æquè quoad enunciativa seu narrativa verum, putamus. Et (2) quoad Authentica ac Originalia Documenta; Regulariter enim copiæ s. Exempla propter metum calumniæ, quod describens faciliè aliquid in iis mutare, vel errorem committere possit, nullam mereri fidem in iudicio creduntur per L. 2. ff. b. t. & cap. 1. X. eod. Nisi (1) Exemplum istud apud Acta, vel in Archivo reperiatur debito modo ex originali transumptum per A. ad hac C. b. t. Nov. 49. cap. 2. & L. 2. C. de testam. Vel (2) à Notario intervenientibus requisitis, quæ recenset Myns. 6. obs. 73. transumptio facta fuerit. Vel (3) idem Tabellio, qui confecit originale, etiam scripserit Exemplum L. 24. qui testam. fac. poss. Vel (4) ex voluntate utriusque partis Originale à Tabellione exemplatur. Vel (5) ipse Adversarius mihi met communicarit Exemplum, per L. 13. C. de NN. P. Vel denique (6) in nimium antiquis versetur factis, ubi & exemplo creditur. cap. 13. X. de prob. vid. Gilhaus. in Arb. judic. civ. cap. 6. part. 3. de instr. n. 32. & Carpz. l. c. 17. def. 38.

LXIX. Et Hisce merè Publicis Documentis, non debilioris, viliorisve virtutis esse videntur porro quoque Scripturæ ac Libri OFFICIALIUM publicorum,

extra Archivum vel Curiam versantium, super rebus ac causis eorundem officium concernentibus, ita, ut non tam *contra* scribentes, quàm *pro* scribentibus quoque firmam inducere videantur probationem *arg. L. 10. §. 1. & preced. L. 9. §. 2. de Edend.* Nisi quod forsan in quaestione falsi sive suspecti admittant probationem in contrarium; *per d. L. 18. C. de prob. & L. 14. C. de Contr. & com. stipul. confer. ib. 19.* Minimè tamen præsumendum, hujusmodi Ministros, urpotè quorum fidem & integritatem Magistratus ac civitas jam tum satis probè perspectam ac exploratam habet, aliquid scribere, quod sese in rei veritate non ita haberet, cum jurejurando, vel stipulata manu sanctissimè promiserint, se velle officium suum citra ullius præjudicium, quàm fidelissimè exequi. Jam verò *juxta Arist. lib. 1. Rhet. ad Alex. c. 18.* Nemo, qui gravem Dei vindictam, ignominiamque hominum metuit, creditur tam facile perjurium committere, ullumve temporarium commodum aeternæ salutis suæ, antepondere velle. *c. 26. caus. 1. qu. 7. vers. & licet. junct. cap. 13. X. de præscript.* Quilibet igitur, præcipuè hujusmodi de publico adscribendum deputati & jurati Ministri ac officiales tamdiu boni præsumendi, donec reperiantur dolosi, *per L. 51. pro soc. & cap. un. X. de scrutin. in ord. fac. cum cap. ult. in fin. X. de præsumpt.* Superadde his, *Reformat. Norimberg. sub tit. von gemeiner Stadt-Amt-leuthe Bücher. ibi: So soll denenselben zu ganger Beweysung völliger Glaube gegeben/ und darauf wieder Beklagten mit execution verholffen werden &c.*

LXX. Quod autem ulteriùs & in specie Notariorum instrumenta concernit, quin & illa, positis omnibus necessariis requisitis, plenam ac publicam faciant fidem inter eos, quorum causâ confecta sunt, satis vel ex solo Diplomatum Cæsareorum tenore, seu

communi formula videre licet, ubi plerumquè hæc habentur verba: *Decernentes, ut omnibus instrumentis & scripturis per huiusmodi Notarios publicos confectis & consiciendis, ubilibet plena ac publica adhibeatur fides. &c.* Nam & Hi quoque, propter præstitum juramentum ratione officii sui, non præsumuntur falsum scripsisse, nisi apertissimis argumentis edoceatur contrarium *d. L. 13. C. de N. N. P. & Gail, 2. obs. 71. n. 1, 2. & ult. & Beussl ad L. 31. de jur. jur. n. 706.* Et hæc non tam de solennibus sive Authenticis Notariorum Instrumentis, quam de eorundem quoque PROTOCOLLO sive LIBRO ROGATIONUM (in quantum præter ipsam actum, tempus, Nomen Imperatoris, etiam subscriptionem & consuetum Notarii signeturum contineat,) vera putamus *per Nov. 44. cap. 2. & d. Constit. Maximil. 1. §. Fürter befehlen wir. 5. & §. Und wie wol ein protocoll. 9. de Notar.* ubi summo studio atque industria Tabellionibus protocollum suum asservare iungitur, non aliam sanè ob causam, quam ut, deperditis forsàn casu fortuito instrumentis, vel exortò circa Authenticum dubiò, hoc exindè decidi, vel novum aliud, exigente necessitate, transumi queat; ita, ut sic protocollo, tanquam vero ac indubitato originali continenti ipsum contractum, factoque sub publica fide, si non Major, ut vult Guid. Pap. *in Detis. Grat. 19. num. 4. per vulgatum illud: Propter quod unumquodque tale est, illud magis tale est &c.* certè tamen non minor inde fides sit habenda, prout eleganter demonstrat Petr. Frid. Mind. *lib. 2. c. 69. n. 17. de mandat.*

LXXI. E diverso tamen non periclitatur Fides Instrumenti Solennis ac Authentici, si Protocollum fortè ex casu fortuito ablatum, deperditumve, exhiberi nequeat; Est enim illa ipsa Scriptura, ab ipsomet Protocolli Autore confecta, quæ sanè non pro Exemplo, sed

sed indubitato Originali censenda, ita, ut proinde Protocolli adminiculo minimè opus habeat, *per gloss. ad L. 24. qui testam. fac. poss.* Nec facit in contrarium Nov. 44. cap. 2. utpotè quæ specialiter ad Urbem Constantinopolin restringenda videtur. Imò nec verbum ibi reperire licet, quod Instrumento Tabellionis semel solenniter facto, fides non habeatur, propterea, quod Protocollum non appareat. vid. Covar. 2. *Pract. Quest. 19. n. 3.* Cæterum & hoc in transumptione alterius Notarii (forfan prædefuncti) Protocolli hîc breviter notandum, quod Extracto per alium, non nisi, interveniente Magistratus publici jussu, citatisque interessè prætendentibus, ob grave præjudiciûm, quod partibus hinc aliquando exoriri possit, fides adhibenda. *cap. pen. X. h. s. & §. Unde iricwohl 17. d. Const. Maximil. I. von Notar.* vid. Scacc. *de judic. caus. civil. lib. 2. cap. 11. n. 603.*

LXXII. Atque hæc de Merè; & quodammodo Publicorum Documentorum Fide ac probatione dixisse sufficiant, reliquum nunc est, ut paucissimis, quibus modo fieri potest, etiam dispiciamus, quam, qualem, quantamve *privata Scriptura* faciant ac mereantur fidem. Et quidem quod *absolutè* ac *merè* privatas attinet, cùm variæ ac diversissimæ dentur species, *prout suprâ in th. 21. 22. & seqq. apparet.* quarum unaquæque singulare quid contineat; de quibus tamen singulis peculiarem hic instituere tractationem nimis tædiosum foret, brevitati studentes, tentabimus, utrum sic totam rem unâ vel alterâ generali conclusione ac limitationibus inclusam commodè expedire possimus.

LXXIII. Conclusio Imæst hæc: Quod *Scriptura*, in ac per se, sive *simpliciter* ac *merè privata*, pro *SCRIBENTE* ac *PROFERENTE* omninò nihil probet, *per L. 5. 6. & 7. C. de Prob.* adeò, ut nec Fisci, (ut ut aliàs

pingua satis indulserint privilegia Imperatores,) pri-
 vatis suis subnotarionibus credendum. *per d. L. 7. C. d.*
1. & L. ult. C. de conven. Fisci debitor. Nisi aliunde ad-
 miculum vel supplementum hujusmodi scripturæ
 privatæ accesserit, ut putat: Quando (1) scribens vir
 fuerit probatæ fidei, integræ famæ ac existimationis,
 semperque veritatem scribere solitus, argum. *L. 5. §. 6.*
de Remilit. (2.) Scriptura in se continet verisimilia v. g.
 causam debiti &c. *per tb. 58.* Vel (3) eam adversarius
 expressè recognoverit, vel tacitè nihil contradicendo
 acceptaverit. Vel (4) Idem ipsemet eam produxerit.
ceu de his supr. in tb. 61. & 64. fusiùs dictum. Vel (5)
 quod scriptura connexa contineat, unum pro scriben-
 te, alterum contra eum. *L. 26. §. fin. depositi.* Vel (6)
 Scriptura sit valde antiqua. *Wesemb. parat. b. 1. n. 6.*
 Vel (7) quod Mors scribentis fidem auxerit. *Gail. 2.*
observ. 43. num. 6. Vel denique (8) summa in hisce
 scripturis sit modica *per L. pen. cum A. seq. C. de R. C. &*
Nov. 73. cap. 8. II. Multò minùs autem contra TERTIUM,
 ut statuit *Gail. 2. obs. 37. n. ult.* hanc subdens
 rationem, quod cujusque scriptura sit stricti juris,
 adeoque vim suam non potest extendere ad alios
 aliave, quàm inter quos & de quibus convenit. *L. 21. C.*
de probat. & L. 3. de transact. exemplo stipulationis, §. 4.
I. de inutil. stipul. L. 98. §. 17. de V. O. unde & actum per-
 manentem habere dicitur. *Vid. t. 1. C. Res inter alios acta,*
vel judic. aliis non nocere. Nisi quis Heres sit, aut suc-
 cessor scribentis, *L. 8. pr. & L. 37. de acquir. vel omitt. hered.*
L. 14. C. de R. V. III. Utique tamen contra SCRIBENTEM
 ac PRODUCENTEM, ejusque Successores. *L. 26. §. fin.*
depositi. L. 25. §. ult. de probat. & L. fin. de constit. pecum.
 Etiam si se subscripserit modò, aut sigillum saltem
 suum apposuerit, *L. 8. §. 15. quib. mod. pign. vel hypoth.*
sotu.

Solv. imò licet vel maximè quoque manu planè alienâ, voluntate tamen contrahentis, exarata sit; meâ namque manu scriptum intelligitur, quod meâ scriptum voluntate liquet, *arg. L. 15. §. 2. ad L. Corn. de fals.* Per rationem in *L. ult. c. arbit. tutel.* assignatam, quòd Nemo facilè tantæ, vel tam stolidæ simplicitatis repèriatur, qui falsam adversus se exarare velit scripturam. Quod tamen FALLIT, (1.) Si quis ex templo contrarium probare vellet, excusans se, quòd vel ex errore, vel otiosè per jocum, calamum experiundi gratiâ, ita scripserit; id quod in civilibus saltem causis, vix ægrè autem in criminalibus, procedere asserit Nicol. de Passerib. *lib. 1. quæst. 4. num. 108.* (2) Si scriptam à se quis abnegaverit; antequam enim ab ipso scriptam evincitur, ista scriptura non probare videtur *per L. 20. p. b. t. Matth. Steph. ad Nov. 73. num. 31. & suprà lib. 61. 63. & 65. Confer & Carpzov. 1. C. 17. def. 21.*

LXXIV. MIXTA autem literarum documenta Privata, utpotè quæ velex LEGE, vel CONSUETUDINE, vel expressa CONVENTIONE partium, præter scribentium auctoritatem privatam, aliis adminiculis suffulta sunt, quin plenam mereantur fidem, minus habet dubii. Et quidem ex LEGE quæ juxta dispositionem *L. II. C. qui pot. in pign.* tribus pluribusve testibus corroborantur, quod attinet, res videtur omninò expedita, juxta ipsius Salvatoris nostri *Matth. 18. vers. 16.* verissimum Effatum: *In ore duorum vel trium consistit omnis veritas*; undè & hi vulgò nati versiculi:

Cautio privata, trino cum teste notata,

Hoc jus est nacta, quod cautio publica facta.

LXXV. VI STATUTI autem ac CONSUETUDINIS, ceu quæ ejusdem cum Lege virtutis atque efficacæ perhibetur. *L. 32. §. 1. & L. 35. d. LL. junct. cap. ult. x. de*

x. de consuetud. & 2. feud. 1. ob publicam commerciorum utilitatem certis justisque ex causis fieri ac induci posse, ut MERCATORUM quoque LIBRI ac Regesta, licet in se privata sint scripturae, pro publicis habeantur, adeoque pro scribentibus quoque, quoad mercaturae & negotiationis exercitium, plenam faciant fidem, cum Dd. (quos post alios longò catalogo recensuit Beust. *ad d. L. admonendi, num. 1020.* Jacob. Ayer. *in Process. suo Historic. part. 1. cap. 9. obs. 8. num. 6.*) non diffitemur. Et hujusmodi consuetudinem, vel statutum, jam tùm Florentiae & Bononiae vigere, testatur Castrensis *ad d. L. admonendi.* Venetiis, ac Romae, imò per totam ferè Italiam, Bursat. *Consil. 39. num. 28.* Turret. *consil. 47. num. 3.* Amstelodami, Norimbergae, Friburgi, & alibi in Germaniâ, Johan. Sichard. *ad L. 7. C. de Probat. num. 7. in fin.* Aliis autem in locis, ubi talis consuetudo ac statutum non obtinet, *semiplenè* saltem Mercatorum Codices probare vult Magnif. Dn. Carpz. *1. C. 17. def. 35. & seq. & 3. Responsor. 58.* ita, ut, in subsidium proferenti possit iuramentum suppletorium deferri; duas hasce sequentes subjungens rationes. (1) Quòd in causis Mercatorum, non tam ex juris apicibus, quàm ex naturali æquitate ac bonâ fide, quam potissimum isti invicem sequi amant, judicandum. (2) Quod alijs quoque Mercatores quibusvis mercium suarum emptoribus, etiam sine Chirographò, fidem habere soleant; Etenim nimis operosum ipsis foret, si de singulis negotiis ac particellis probationes parare deberent; Igitur & tantò æquius ex adverso videtur, ut plus fidei Eorundem Libris tribuatur, atque aliorum privatis annotationibus, cum illi non tam facilè, atque hi, falsum scribere præsumendi, idque hâc ex ratione; Nam si Liber Mercatoris re-

peritur

peritur falsus in unâ particellâ, subindè præsumitur falsus quoque in omnibus, quod sanè Mercatori, qui totum ferè Patrimonium vel substantiam suam in Mercaturâ habere solet, in non leve vergeret præjudicium atque jacturam, *Bach. ad Treutl. 2. disp. 4. th. 2. lit. B.* Id quod tamen ipsemet non aliter acceptum, atque intellectum vult, quàm ut tria hæc subsequen-
tia requisita conjunctim interveniant. (1) ratione *sub-jecti*, ut Mercator persona sit honesta, bonæ ac illæfæ famæ, semperque veritatem scribere adsueverit, ita ut ab omnibus pro tali habeatur. *arg. L. 12. de pign. act. & L. 13. §. 1. de usur.* (2) respectu *Objecti*, ut Libri, sive Regesta Rationum contineant data & accepta, cùm speciali designatione *Loci & temporis*, nempe diei, Mensis, & Anni, *L. 82. de condit. & demonstr.* Et (3) ratione *causæ formalis*: ut causa debiti in iisdem, ex quâ scil. causâ, & à quo acceptum, vel cui expensum, latum sit, clarè ac specificè determinata & assignata sit, *L. 12. §. ult. de prob. L. 5. C. de Exact. Trib. Confer. die Wirtenbergische Landt-Ordnung. de Anno 1554. part. 1. p. m. 8. sub tit. der Kauffleuth- und Handwerker Schult-Bücher 10. It. die Nurenbergische Reformation. tit. 8. §. 7. Et denique Statutum Francofurt. sub. tit. von Beweisung/so durch Schriftliche Ubrkundten 10. in §. Etliche sind Schuld-Bücher 10.*

LXXVI. Sic pariter nec minorem *attestante, Rutg. Rub. p. 2. lib. 5. cap. 9. n. 7. de commiss.* fidem quoque prognerare solent Libri Nobilium censuales circa servitia, aliaque onera præstanda à Rusticis. Modò (1) Vel semel à colonis ac subditis, quoad præstationes istas atque servitia speciatim in iis adnotata, pro veris ac legitimis habiti fuerint, dum nempe vel ipsimet Rustici eosdem aliquoties pro sese allegaverint; vel iisdem

adversus se productis nihil contradixerint. Vel (2) admodum per vetusti, & in armario familiæ penes Seniore[m] hucusq; integri ditu asservati, exindeque deprompti fuerint. &c. Destituti autem hisce & similibus adminiculis, ita, ut ex iis, nec quò tempore, nec quibus præsentibus, nec à quò, conscripti sint, intelligi queat, tunc meritò ad instar merè privatæ scripturæ alicujus, nihil quicquam contra Rusticos probare merentur. *per d. L. 7. C. de probat. & ea quæ omnium dexterrimè hac in materia suppeditavit Laudatissimus Carpz. 3. Resp. 83. Tit. 8.*

LXXVII. VOLUNTATE AUTEM AC CONSENSU PARTIUM privatas quoque scripturas plenè inter Easdem probare, expediti juris videtur. *per L. 1. pr. & l. 7. §. 7. de pact. junct. cap. 1. x. cod. & L. 24. in fin. de pos. ubi contractus ex conventionem partium Legem accipere dicuntur.* Ratio autem videtur hæc, quòd quilibet juri ac favori pro se introducto renunciare queat. *L. pen. C. de pact. & L. 46. ff. cod. in quantum scilicet non contra LL. vel jus publicum, vel in alterius grave præjudicium vergat;* Jam verò quòd scriptura privata regulariter fidem non faciat, procul dubio ipsarum partium favore introductum videtur. E. & huic renunciare possunt; Id quod & ipse gloriosissimus Imperator noster Justinianus in *Novell. 37. cap. 4.* asserere videtur, in verbis: *Non, ut credentes privemus fide suà circa amicos, sed, quantum possibile est, & per fidiam & negationem multis revincamus modis &c.* Cui ad stipulatur quoque *L. fin. §. uli. C. de Tempor. & reparat. Appel.* textus lanè valdè notabilis, in quo tanta in probationibus partium asseritur autoritas, ita, ut easdem pro lubitu, restringere vel ampliare possint. *L. fin. C. de Testi. iisdemque fidem tribuere, quibus aliàs denegatur, arg. cap. 39. x. cod. Vid. Partit. Element. Magnif. Dn. Cancellarii TABORIS part. 3. sect. 3. ab. 39. & alibi.*

LXXVIII. Et sic ex hisce breviter hucusque enarratis, facile nunc quoque dijudicare licebit, quam, qualem, quantamve cæterorum, e. g. Aromatariorum, Administratorum, Procuratorum, Factorum, Tutorum ac Curatorum &c. Rationes ac Diaria progenerare soleant fidem. De quibus, aliisque pluribus omnino consule integr. Tract. Munnoz de Escobar, *de Ration. administrat.* Et Nicol. de Passler, *de priv. script.* Et tantum de Effectu primo.

LXXIX. ORTUS videtur esse parata EXECUTIO, quâ non solum Publica & Quarendigiomata; sed & privata literarum documenta liquida, verifica, ac recognita sive confessata hodie gaudent; Et hoc, si non expressè de jure civili communi, *prout communiter statuere videntur Doctores*, nihilominus tamen vi ac virtute VEL receptæ consuetudinis seu statuti, cujusmodi Florentiæ, Papiæ, Mediolani, Mantuæ, Ferrariæ, & per totam ferè Italiam vigere testis est Mandos *qu. 71. num. 10. de inhibet.* Item in terris Saxoniæ ac Thuringiæ, *per Ordin. Prov. de Anno 1555. promulgatam, sub rubr. Verschte Brieffe und Siegel.* It. in Ducatibus Brunsv. & Lunæburg. *per constit. D. Frid. Ulrici zu Calenberg de Anno 1617. von untadelhaften Siegel und Brieffen.* Et alibi. VEL contrahentium expressè pacti inserti; Daß der Creditor oder Gläubiger über dieses auch mit recht wolbesugt seyn/ und macht haben soll/ in fall der Debitor uf anberaumbten termin mit der Zahlung nicht einhalten/ oder säumhaftig darmit werden möchte/ sich also balden eigenes Gewalts in dieselbige ihm hierzu verhypothecirte Güter zu immittiren und daraus bezahlet zu machen tanquam omni jure peracto &c. *Wiltb. Anton. Freudeberg. concl. 46. pr. Rescript. Morat.* non obstantibus quibuscunque exceptionibus à Reo prætensis.

sis. Nisi is in continenti docere paratus sit, se jam tùm hisce literis exhibitis satisfecisse, *per d. conslit. Provinc. & Calenberg. ibi: Wird auf klare Brief und Siegel executivè verfahren/ und keine andere exception, als solutionis, darwieder nicht zugelassen x.* Non quidem subindè realiter procedendo, nempe possessiones privatâ autoritate invadendo, res, bonaque captando, quod Belligeratorum est; sed exhibendo prius judici debitoris chirographum in originali, & desuper pro citando Reo ad recognoscendum & satisfaciendum, cum comminatione decernendæ Executionis, non subsequutâ intra præfixum terminum solutione &c. Nobile ejusdem officium implorando &c. Formulam exhibet Gothofred. Fibig. in *Proc. suo Execut. p. m. 76. Confer, R. I. de Anno 1600. §. 31. Ob auch auf obligationes &c. Matth. Coler. p. 1. c. 3. n. 118. & seqq. p. 3. c. 2. n. 7. 8. 9. & seqq. de Proceff. Execut. Petr. Frid. Mind. lib. 2. c. 69. & 78. de Mandat.*

LXXX. Properandum nunc, prælibatis *consentaneis* in causis ac Effectibus literariorum Documentorum, ad eorundem *DISSENTANEA* seu *CONTRARIA*, h. e. ad considerationem Causarum & Modorum, quibus documentorum vis ac validitas vel *Impugnatur* ac suspecta arguitur; vel planè omninò *tollitur* ac subvertitur. *Omninò tollitur:* vel *Dissensu*; vel *ipso jure: Dissensu*, h. e. contrariâ voluntate vel *unius & solius*, cum scil. id ab unius arbitrio dependet, ut: Testamentum, donatio mortis causâ &c. vel *mutuo* atque unanimi *eorum*, quorum interest, quando à plurium consensu. Nihil enim tam naturale firmum est, quin vicissim infirmari ac dissolvi queat. *per L. 35. & L. 100. de R. I.* Sic naturaliter inter contrahentes inita obligatio inscripturam redacta tollitur, sublatâ ejusdem causâ, propter quam

quam constituta est; id quod fit vel *Expresse*; vel *Fictè* ac *Tacitè*: *Expresse*; ut in debiti solutione, vel rei restitutione, aliisque liberationum modis, *per t. r. l. quib. mod. obligat. toll.* adeò, ut, licèt vel maximè chirographum redditum non fuerit, nihilominus tamen vel solâ debiti solutione factâ quis, tutus esse possit; *per L. 5. C. de positi & L. 7. C. de Except. & præscript.* planè enim in efficacia, inania, ac extincta hujusmodi chirographa postea sunt, & vulgò appellantur: *getôdtete/oder dirre Brieffe*. Cæterum Debitores ad evitandas varias difficultates longè cautiores agere videntur, si præter Apochas, quas regulariter hodiè post factam debiti solutionem Creditores Debitoribus poscentibus conscribere solent, etiam sua chirographa, licèt cancellata, repant à Creditoribus atque recipiant, ut iis scilicet, eò fortius factam solutionem probent. *L. 14. C. de solut. L. 18. C. de Test. & L. 19. C. b. s.* *Tacitè* autem seu *Fictè*, h. e. præsumptivè; ut in restitutione seu redditione chirographi debitoris à Creditore. *L. 2. §. 1. de pact.* non quidem ipso jure, sed ope exceptionis. *L. 24. de prob. L. 18. §. 2. de donat. mort. caus. & L. 3. §. 1. de liber. at. leg.* Chirographo enim adhuc penes Creditorem reposito, regulariter præsumitur, obligationem nondum esse dissolutam. *L. 84. §. 7. de Leg. 1.* Nisi aliis argumentis sufficientibus obligationis satisfactio edoceatur. *L. 15. C. de solut.*

LXXXI. IPSO JURE verò subverti Documentorum fides videtur vel respectu FORMÆ; vel MATERIÆ eorundem: Ratione FORMÆ, iterum vel CONFECTIONIS; vel PRODUCTIONIS.

LXXXII. Ratione FORMÆ CONFECTIONIS, pro generali Regulâ tenendum: Quod omne literarium

documentum, siue sit publicum, siue sit privatum, non rectè ac ritè, i. e. non juxta solennitates & necessaria sua requisita, *supra* *tb.* 53. & 54. 55. & *seqq.* recitata, factum, sit ipso jure nullum, *arg. L. 1. & l. 1. ff. de injust. rupt. irrit. fact. testam.* debitâ enim formâ destitutum, omnino imperfectiōis ac falsitatis arguitur §. 8. *l. quib. mod. testam. infirm. junct. arg. L. 9. § 3. in fin. ad exhibend.* Hinc quodvis instrumentum publicum, ex clausulis insolitis, contra stylum & morem Curiaë emissum, falsi suspicionem haut effugit, *arg. cap. 5. vers. eos etiam, & clarius: cap. x. de Crim. falsi.* Cujusmodi exemplum de Cingarîs, vulgò *Tartern* oder *Ziegelner* (*de quorum vitâ, moribus ac origine elegantem discursum hâuit ita pridem conscripsit Prælaudat. Nobiliss. Frieschiuss*) sub prætextu salvi conductus Cæsarei retulit Petr. Frid. Mind. *lib. 3. c. 8. n. 7. de mandat.* Veluti nec minùs Scripturæ Archivales, si alio Autore, quàm manu commentariensis adnotentur. *L. 45. §. 7. de Jur. Fisci. & C. I. A. tb. 9. b. t.* Item Acta negligenter, inusitatis clausulis, scripta. *cap. 11. x. de probat. & Myns. 2. Obs. 16.*

LXXXIII. Ratione FORMÆ Productionis: Si scripturæ, quæ proferuntur, in substantialibus invicem sunt diversæ, pugnantes, ac contrariæ, nec repugnancia s. contrarietas ista commodâ aliquâ distinctione, vel interpretatione conciliari queat. *arg. cap. 6. x. b. t.* Non parum autem refert scire, num ab eadem parte, utrum verò à diversis productæ sint? Priori enim casu neutri fides tribuenda, *L. 14. C. b. t. & L. 188. de R. I.* Et ratio videtur esse, quòd producens hujusmodi sibi obloquentia documenta quoad omnia tacitè approbare censeatur, prout *suprà* *tb. 61. meminimus.* Impossibile autem cum sit: Contradictoria simul esse vera; non possunt non ex collisione utrinque vim ac efficaciam suam.

suam perdere; Et hoc quidem non tam per se, quam potius ex utentis confessione. Nec quicquam *juxta d. C. I. A. 16. 17. b. t.* interest, utrum Actor, num verò Reus, (ut ut aliàs favorabilior Actore æstimeretur, L. 112. *de R. I.*) produxerit, cum nemo allegans contraria audiatur. L. 100. *de Condit. & Demonstr. L. 1. C. de furt.* Posteriori autem casu; Ubi *diversa à diversis* propositæ sunt scripturæ, illæ rursus sunt vel ejusdem autoritatis; aut non: illo casu, si autoritas ad fidem discerni nequeat. i. e. præter similitudinem scripturarum utrinque nihil amplius appareat, tunc, quia Actor nihil probare videtur, Reus absolvi debet L. 4. *C. de Edend.* Nisi alterius causa fuerit evidenter favorabilior *cap. 3. x. de probat. L. 47. de Legat. 2. L. 24. de Manumiss. L. 38. de Re judic.* Hoc autem respectu, nempe cum disparis reperiuntur autoritatis, potiori & verisimiliori inhaerendum opinamur L. 13. *de prob. L. 21. §. fin. de Test. L. 14. C. de contr. & comm. stipul.*

LXXXIV. Respectu MATERIE, & quidem OBJECTIVÆ, sive OBJECTI CIRCA QUOD; Ipso jure nulla sunt Instrumenta, quæ de rebus illicitis ac jure manifesto prohibitis, vel contra bonos mores confecta sunt, *per ea, quæ supra in tb. 51. & 52. tradidimus.* Et hæc quoad omnimodam Documentorum literariorum subversionem ac sublationem.

LXXXV. Quoad IMPUGNATIONEM autem eorundem, in ordine nunc porrò sciendum, quòd impugnentur, aut suspecta arguantur, probationibus petitis, ex VIITIIS ac *defectibus* vel EXTERNIS; vel INTERNIS. VITIA EXTERNA seu visibilia appellamus, quæ *extrinsecè* h. e. primo quasi intuitu in ipsò corpore scripturæ apparent ac in oculos incurrunt Et

alicujus Testam. instrum. vel Chirographi in modum crucis ducitur, & tunc documentum istud dicitur *cancellatum*. Vel (2) cum in circuitu chartæ penna per literas ducitur, & tunc dicitur, *circumductum*; Vel (3) cum per literas juxta longitudinem penna transit, & tunc perhibetur *inductum*; Vel (4) Cum inter unam & alteram lineam vocolæ aliquot insertæ conspiciuntur, tunc nominatur *interlineatum*; Vel (5) cum in margine aliquid notatum vel adscriptum sit, tunc indigitatur *apostillatum*. Vel denique (6) cum aliquid in scriptura abradendo correctum appareat, & tunc *rasum* appellatur, & c. per Rubr. & L. 3. de his, quæ in test. del. induc. & inscrib. Ex quibus sanè omninò falsi suspicio conjicitur, præcipue, si vel in toto instrumento quodam, vel saltem in ejus aliqua parte substantiali, v. c. circa institutionem, vel nomen hæredis, subscriptionem testium, sigillum & c. hujusmodi quid reperiatur; Nisi Notarius, vel debitor statim in fine istius cancellati, interlineati, aut rasi documenti mentionem & attestationem fecerit, illam nempe cancellationem, vel rasuram eo ipso contractus, vel confecti instrumenti tempore, de partium consensu factam fuisse; quo casu omnis falsitatis suspicio exspirare videtur. Vid. Constit. Maximil. 1. von Notarien §. 18. die Notarien sollen &c.

LXXXVI. His porro accedunt (1) Quando literarium documentum laceratum, intercisum, vel muribus corrosus fuerit, ita, ut legi nequeat quid contentum fuerit in parte corrosa, L. 4. §. 1. & L. 16. de L. Corn. de fals. cum L. 1. §. ult. de Bon. Poss. secund. tab. Id quod etiam ad sigillum corruptum chirographo appositum extenditur, in quantum scil. characteres nequeunt legi, vel arma ac insignia dignosci; d. cap. 6. x. b. t. Nisi hujusmodi scriptura longo tempore pro verâ ac legitimâ habita fuerit

fuerit atque observata; observantia enim subsequuta omnem diluit suspicionem, *secundum Menoch. Consil. 409. num. 36. & seqq.*

(2) Quando non integris ac legibilibus literis & verbis, sed vel insolitis characteribus, aut Cifris, sive ut Imperator in *L. 1. §. pen. & L. 2. §. 22. de V. I. E.* loquitur, signis exarata sit scriptura. Vel

(3) valde varians aut omnino diversa appareat ductio in documento, quasi duplici manu foret conscriptum, np. ab uno inceptum, ab alio impletum & finitum. Nisi fortè diversitas ista ex accidenti v.g. ex calami sive atramenti varietate, manusve propter ætatem vel ægritudinem defatigatione profecta fuerit; quæ accidentalis hæc differentia sola, ni in super alia concurrant adminicula, hæut sufficiens erit ad impugnandam scripturam documenti, præsertim si & mentio de ista diversitate facta fuisset à Notario in sua subscriptione. Vel (4) Quando antiqua scriptura in charta nova est scripta; vel quando charta fumo est infecta, ut appareat antiqua, *&c. per d. cap. 6. vers. sed contra x. b. t.* Vel (5.) cū folia addita & de novo confuta fuerint, ita ut foramina inveniantur vacua in cooperta, quod sanè signū videtur, fila exinde extracta fuisse *c. 5. x. de crim. falsi.*

LXXXVII. Et hæc de *Contrariis modis* impugnandi literatū documenta ex *Vitiis* ac defectibus *Externis* & visibilibus; Sequuntur nunc modi contrarii instrumenta refellendi *ex vitiis internis* ac *invisibilibus*, adeoq; prioribus propter legitimæ probationis difficultatem & periculum longè difficiliore, & propterea non nisi ex evidentissima causa monente *Job. Petr. de Ferr. in Prax. Pap. tit. 15. gloss. 6. n. 1.* ad illos deveniendum, quia quilibet actus secundū formam suam præsumitur factus; *L. 5.*

scriptam; id; inſimul *probet* vel per *Teſtes*, vel per *Inſtrumenta* alia fide digniora. Per *Teſtes*, eosque rurfum vel *Inſtrumentarios*; vel *Extraneos*.

LXXXIX. Per *Inſtrumentarios*, h. e. in inſtrumento nominatim designatos ſi adſcriptos; tunc, ſi omnes ad unum contradicunt inſtrumento, ſe nimirum actui minimè interfuiſſe, ſuasq; ſubſcriptiones adulterinas eſſe contendentes, *Chirographum* ſeu *Inſtrumentum* utiq; ſuum amittit valorem; per *Novell. 73. cap. 3. & cap. 5. x. que fiunt à Pralat. &c.* Totius etenim *Inſtrumentiac* *Chirographi* fides ab autoritate teſtium dependere aſſeritur in *L. un. §. 2. C. de Latin. lib. toll.* quâ ſubtractâ, & fides eorum collabatur, conſectarium erit; Adeo ut, ſi vel unus ſaltem ex neceſſariis, h. e. ſubſcriptis, ſe interfuiſſe vel ſubſcripſiſſe neget, arg. *L. 1. §. ult. teſtana. quem. aper. documentum* arguatur falſum. *L. 12. C. de teſt. & can. 7. diſt. 9. & can. 17. cauſ. 3. qv. 9.* SECUS, ſi dixerit, ſe non amplius meminiſſe, an interfuerit, aut ita res geſta ſit, nec ne? Quia tunc per deſiſſionem teſtis dubiam & incertam nihil contra probatur, *L. 18. C. de prob.* Quod ſi autem plures refragentur, tunc, ſi adhuc (ſive connumeratû, ſive remotû *Notorio*) totidem pro inſtrumento deponant, quot contradicunt, inſtrumento ſtandum autumat præcit. *Jo. Petr. de Ferrar. d. t. 15. gl. 6. n. 7.* tûm propter autoritatem *Notarii* ac fidem, qui ſi bonæ eſt famæ, pro eo militat juris præſumptio, quod benè ac fideliter ſuo deſuncto ſit, officio, arg. *c. 13. ibi: cum jurat. ſit &c. x. de præſcript.* tûm quia aliàs plus creditur duobus aſſiſſant. b^o, quàm tribus vel quatuor negantibus ſimpliciter. *Vid. Barb. locupl. l. 18. c. 15. ax. 2.*

XC. Per *Extraneos teſtes*; deponentes illum eô ipſo die & hora, quibus inſtrumentum conſectum, remotiori in loco fuiſſe, adeoq; impoſſibile videri, ut ejusmodi negotium in illo loco, circa deſignatum tempus, contrahere potuerit, *L. 14. C. de Contrab. & comm. ſtip.* Ita tamen, ut in comparatione teſtium, oppugnantium numerus ad minus unô ſuffragantium excedere debeat, per eâ, que tradit *Job. Sichard. ad L. 15. C. de iur. n. 9.*
cum

cum stante paritate testium regulariter pro instrumento pronuciari soleat. *L. 18. C. de prob. & cap. 10. x. b. 7.* V. g. Si tres dicant instrumentum falsum, non audientur, quia & in tabulis instrumentorum duo testes, unâ cum Notario, qui tertius, & cujus jurati autoritas regulariter duobus æquipollet testibus, *Barbof. Thef. lib. 12. cap. 18. ax. 3. & lib. 18. c. 15. ax. 23.* adhiberi solent. Nisi igitur ad minimum quatuor aut quinque boni Viri attestentur falsitatem, tûm diu instrumento stabitur *per cit. tex. x.* Et hoc procedere autumat *Mynf. 4. Obs. 39. n. 2.* quando principaliter de falsitate instrumenti quæstio sit; non æquè verò etiam, si de probanda falsè intentione moveatur disceptatio; Quo casu nullam certam juris regulam tradi posse, sed ex qualitate negotii providi judicis arbitrio committi debere, tradit.

XCI. Per ALIA INSTRUMENTA fide digniora: Regulariter enim privata scripturæ per publicas derogatur *L. 10. de prob.* Et quidem quando vel in alia scriptura dolus & delictum, quod scribendo committitur, probatur, putâ si quis rem duobus vendiderit, & sic duplici scripturâ diversa esse gesta testetur, *L. 21. de L. cornel. de fals.* Vel etiam per comparisonem literarum, aliis adminiculis adjunctam, fortè si in uno instrumento plus, in alio minus scriptum reperiatur. Vid. *Farin. constit. 83. n. 9.* Caterùm Doctores hîc non ineptè distinguunt; utrum falsitas literariis documentis inserta, ipsius negotii substantiam afficiat, nec ne? Priori casu, quando videlicet actum est de moneta argentea; scriptum verò reperitur de aurea; tunc si plura habet capitula principali negotio connexa, vel unum alterius sit accessorium, totum vitiatur instru-

XCII. ALTER MODUS refellendi instrumenta ex **VITIIS INTERNIS** est: Si quis quidem scripturam non negat, sed contenta in eâdem saltem taxat, vel simulata esse contendit; Id quod obtingit, cum aliquid vel per *errorem*, ut in *L.4. de Leg.1.* ubi testator voluit scribere, se legare fundum Cornelianum, & per errorem scripserat, Sempronianum &c; vel per *simulationem* ac malitiam contrahentium aliter scriptum invenitur, quàm actum est, v.g. Quando obæratuſ aliquis metu instantium creditorum, imaginariam venditionem, colludente Emptore, publico consignat instrumento, ceu pluribus *ex tit. C. plus vult. quod ag. quàm quod simul. concip.* colligere licet, ubi tribus potissimum modis *simulatio* committi dicitur; Nempe, (1) vel de persona ad personam, ut: si cum Maritus vellet aliquid emere, supponat nomen uxoris loco sui nominis, ac si ipsa Uxor emeret *per L.2. h.t.* Vel (2) de re ad rem, putà si filioſ familias pecunia numeretur in causam mutui, & in fraudem *SCti Macedoniani* scribatur, datum esse frumentum; *per L.7. §3. de SCto Maced.* quo simulationis genere hodie etiamnum utuntur quibusdam in locis usurarii ac Judæi. Vel (3) de contractu ad contractum, veluti cum scriptum reperitur in chirographo vel instrumento, rem fuisse venditam; cum tamen modo foret oppignorata *per L. 3. C. h.t.* cujus species ex *L.5. §. fin. & L. seqq. de distract. pign.* huc revocanda erit. Item, cum locari res debuerit, ut in *L. ult. C. b. t.* ubi Titio mandasti, ut fundum tuum locaret, iis autem in gratiam Mævii sic scripturam concipi curavit, quasi Mævio fundum vendideris; & fingens locationis instrumentum tibi subscribendum obtulit, cui oblato tu fidem habens postea subscripsisti, eò non prius inspecto ac relecto. Quo casu, sicut & cæteris, neq; scriptura tibi nocet, cum semper rei gestæ veritas cuilibet prævaleat scripturæ *L.1. C. b. t. & L.10. C. de donat.* Neq; subscriptio, quia deceptus à Titio subscripsisti; Nec deniq; venditio. Locatiove dici potest, cum hi contractus non nisi mutuò perficiuntur consensu; Jam vero neque tu in venditionem, nec:

Māvius in locationem consensit; ita, ut non tam sit simulatio, quam utriusque partis defectus voluntatis. *L. 18. de R. C.*

XCIII. Has autem & multas alias simulationes providus ac sapiens iudex ex clausulis simulato contractui appositis, patetque insolitis, pro personarum, rerum, causarum, & temporum varietate, facile conjiciet & detegeret, & quidem simulationem Empt. Vendit. ex conditione tum *Emptoris*, nempe pauperioris, ex incongruentia professionis, & modicitate pretii. *L. 12. §. 4. de usu & habit. tum venditoris*, quatenus nempe & antea usuram consueverit exercere *cap. 4. in fin. X. de pignor. & aliis caut.* vel quod semper in possessione remanserit *L. 8. §. 7. quib. mod. pignor. vel hypoth. solv.* & ratione temporis: si plurimos per annos cessaverit mercem exigere, præcipue si talis sit, quæ tempore consumitur.

XCIV. Ultimò ad literariorum documentorum CONTRARIA pertinere videtur & Eorundem AMISSIO. Nam & sic ipsorum infringitur fides, ut nulla sit; nisi & Amissio, & Authentici tenor ostendatur. Quibus justè ac legitime probatis, sanè nec parti præjudicare, nec rei gestæ quicquam nocere amissum instrumentum, edocemur ex *L. 1. §. 6. 7. 8. 10. & 11. C. b. e. & L. 10. C. de donat.* Et ratio est, quia Scriptura regulariter contractus negotiive, super quo conficiebatur, pars essentialis non est, adeoque nec ad constitutionem, sed commodiorem solummodo probationem ejus pertinet. *L. 10. C. de prob.* Probatur autem AMISSIO vel *Testibus*; *L. 18. ferè in fin. C. de Testib.* vel, His, aliisque probationum adminiculis deficientibus, solius creditoris *jurejurando*; quod scilicet obligationem s. chirographum

literarum documentum perit, siue perditur; E.g. Si Cajus me rogaret privatim, ut sibi exhiberem suum chirographum inspiciendum; ille autem subinde mihi illud dilaceraret; Quò factò probato, juramentum mihi ad probandū dilacerati Chirographi tenorem, deferendum videtur *per L. 20. C. de prob.* Et hoc in odium dilacerantis, & propter præsumptionem contra eundem *juxta Sichard. in L. 1. C. b. t.*

XCVI. Sæpe tamen obtingit quoque ut deperdantur instrumenta non furto, ruina, vel incendio &c. sed putredine, nimiaue vetustate. Quo casu consulto fecerit, qui ea denuò transcribi curat, priusquā literæ fiant fugitivæ atq; illegibiles; Et quidē ex autoritate judicis ordinarii, vel ejus ad hoc delegati, qui antiqua instrumenta prius inspiciat, ne forrē fraus committatur inter scribendum *per c. ult. X. b. t. & Dd. in Auth. si quis C. de Ed. nd. ubi annotarunt requisita ad hoc, ut Exemplum siue transumptum æq. probet atque Originale. Confer Rulant. 2. hb. 5. c. ap. 15. 22. 29. & 37. de commiss.* Et hæc quoad probationem amissionis chirographi, prout nim. scriptura de substantia contractus fuit, ad eum Effectum, ut novum conficiatur instrumentum; In aliis autem negotiis, quæ sine scriptura contrahuntur, non opus esse probare amissionem instrumenti, sed saltem tenorem istius, cum sine instrumento vel chirographo quoq; contractus obtineat, *L. 17. C. b. t. docet C. I. A. hb. 7. b. t.*

XCVII. Ad Tenorem autem amissi documenti per testes probandum, Doctores communiter hæc sequentia desiderant requisita: (1) contractus actum celebratum fuisse. (2) Documentum super eodem confectum, & (3) istud rursum vel per bellum, incendium, naufragium, &c. amissum esse. (4) Documentum nullis vitiis ac defectibus laborasse, & (5) illud vel propria manu debitoris, vel alterius, mandato ejus, scriptum, aut subscriptum saltem, & sigillatum fuisse. Et (6) Testes gnaros rerumque gestarum peritos interfuisse, jurato asseverantes: probè sibi tum manum debitoris, tum ipsius scripturæ tenorem cognitum esse, nempe debitorem ex hac vel illa causa Actori 100. debere &c. Scire autem hoc exinde, quòd vel insimul scripturam illam inspexerint & nec-

legerint; vel aliò, nempe ipso debitore, legente eam, ex ipsius ore auribus suis tenorem istius perceperint; Id quod factum de anno 1.6.34. Mens. April. die 16. pomeridie in aedibus Sempronii &c. Que omnia principaliter de debitoris chirographo accipiendâ arbitramur, adeoque sic regulariter publicis vix commodè applicari, cum ex Protocollo Notarii, Actisve publicis redintegrari soleant; Nisi in casu, quo & ipsum Protocollo, & Acta publica per incendium, vel bellum deperdita fuerint. Vid. C. I. A. *lib. 18. h. t.* & Bornit. *lib. 5. cap. 4. 4. part. 1. de Instrum.* & Hahn. *ad Wesemb. parat. h. t. n. 6. fere in fin.*

XCVIII. Postremo expositis Literariorum documentorum & *Consentaneis* & *Dissentaneis*, reliquum nunc est, ut paucis quoque Eorundem AFFINIA sive *Cognata* subjiciamus. Et sunt (1) Sculpturæ s. inscriptiones in æs & marmor, vel lapides. L. 6. & 7. C. de Relig. & sumpt. fun. (2) Picturæ, Imagines, ac Statuæ, de quibus, tot. tit. extat in C. lib. 1. tit. 24. (3) Arma ac insignia Gentilitia, vulgò *Wapen / Helm und Schild* / utpotè ex quorum appositione, ut plurimum Dominus rei cognoscitur; & insculpta in Templis, regulariter jus Patronatus vel Protectionis arguere censentur, Menoch. *lib. 3. Præsumpt. 130. & Capoll. cap. 40. tit. de Pariete num. 6. & seq. de servit.* Imò & jus superioritatis ex Insigniis Principum, in palo è terra elato depictis, vel portis Castellorum infixis ac incisus probatur Teste Andr. Knich. in *Encycl. Brunov. imp. & juris d. c. 14. & Mart. Mag. à Schönberg de Advoc. Armat. c. 18. num. 112. 113.* Quo (4) referenda quoq; videntur Symbola s. Emblemata, Ordinis Equestris; putà *Aurei Velleris*, in Hispania; *S. Spiritus & Michaelis* in Gallia; *Stephani*

re, Np. vel frumentariæ, quibus exhibentes Romæ frumentum capiebant. L. 52. §. 1. de judic. & L. 40. §. 1. de Legat. 2. Vel Bellicæ L. 2. §. 37. de O. I. vel deniq; securitatis causa Legatis dari solitæ, L. 3. §. 1. de R. D. ficuti etiam nū peregrinantibus schedula testimonii causa, ipsos np. non suspectos, nec ex loco contagioso profectos esse, dari consuevit. Et deniq; (8) Schedæ vel chartæ incisæ ausgeschnittene Zettel. Bacilli fisci. Kerchölher, da gemeiniglich der Schuldherr oder creditor dē Stocß behält/der Einsatz aber u. Gegenwed sel dem Schuldmoñe oder debitori zugestellet wird. *vid. Ref. Francos. ad Mon. part. 1. tit. 13. & 14. Württemberg. Landrecht sub tit. von Kerchzetteln oder Hölhern & Dan. Moller. 4. Sem. 37.* Quæ omnia loco & vice instrumentorū hodie adhiberi edocemur.

XCIX. Ultimam autem manum huic Dissertationi Inaugurali imponet hæc sequens intricata & inter Doctores valde agitata Quæstio: Utrum Instrumentum s. chirographum furtō sublatum pro fure probet? Et Negativam rei veritati magis consonam opinamur per L. 20. C. de prob. & ad eum Joh. Sichard. Quo facit & L. 2. §. 1. de jur. fisci, L. 27. ff. & L. 5. C. de furs.

C. Et tantum de Amplissima, juxta ac in Foro tam utilissima, quam frequentissima Literariorum Documentorum Materia. Plura equidem & momenti & utilitatis, non diffiteor, in diffusiores ejusd. dilucidationem pro virtute sua in medium afferri potuissent; verum enim verò, cum præfatæ Nobilissimæ materiæ hujus longè uberior extet messis, quàm ut brevibus hisce pagellis colligi ut comprehendi queat, prout amplissima aliquot celeberrimorum JCtorum de hac probationis specie conscripta volumina jam tum nobis sat evidenti sunt testimonio, ad quæ reliqua etiam desiderantem peramanter remissum volumus; idcirco isthæc curarum mole in alios me longe expeditiores translata, sufficienter intentionis meæ scopum assecutus videbor, si unius & alterius quæstionis, quam lectio materiæ pro temporis angustia suppediavit, ventilandæ occasionem præbuero. In quibus si præter animi expectationem aliquid irrepperit, quod minus curatè, rectève dictū cuipiam videatur, non erubescam meliora edoctus candidi Monitoris judicio memet subicere, cum probè ex Imperatoris Leonis *constit. 39. pr.* perspectum habeam, Mortalium neminem eam ad absolutionem pervenire, ut non obnoxie aliquando res suas gerat. Cæterum quod superest, veluti dissertationem hanc nostram sub imploratione Numinis Divini auspiciari fas esse duximus, ita eandem quoque cum debita gratiarum actione finire, non minus christianum arbitramur. Esto igitur

non SOLI DEO LAUS HONOR ET GLORIA